


KWALULWABUBANA ³

 . . .-longo Neville. Muji byepi lukeelo luno, jibumba. Tuji bingi na lusekelo pa kubwela jibiji na kwimwimuna ne jikwabo mu Jizhina jafikilamo-mubyonse ja Nkambo Yesu. Naketekela mba anweba mwajinga na mulungu mukatampe wa mitotelo Yanji ne mapesho.

² Pakwiya lukeelo luno, Najikukumanya kansongwalume kacheche kokwa kabiji aye waji kupa kipepala kicheche paji Malaika wabukikizhi kasa abena kusopa baana babacheche babiji. Kabiji Amiwa kechi naji kuyuka ne mba awa wajinga mwina Daulton, nsongwalume mucheche wa bena Daulton.

³ Kabiji kuno konka milungu icheche yapitapo, nangwa icheche. . .Pepi nobe milungu ibiji yapitapo, kwajinga shetu, shetu Mwinakilishitu, waipwizhe nsongwakazhi wanji wamucheche wajinga ukyangye kwikala Mwinakilishitu ne, kimye kyo aimene mu mulaini wa milombelo. Kabiji aye Mupashi Wazhila waambile mba, “Ami—Amiwa nsakukupa mwanaohe.” Kabiji uji muno lukeelo luno, wapuluka kabiji ne kubatizhiwa mu Jizhina ja Nkambo Yesu, waikala ne pa pulatifomu, monka mwaambile Mupashi Wazhila. Kabiji ne baana bakwabo bonse baikala. Amiwa nayuka mba kisemi kya ba Daulton kyasekela.

⁴ Monai inetu wachepa mubiji kokwa ye bajinga nanji na milombelo ya mwaana pa Mulungu wapwa, nalangulukile mba ubena kufwa. Amiwa namona mba ukiji ne atweba lukeelo luno, kabiji twaikala bingi na lusekelo pa kyokyo, nyenga. Abo balangulukile mba uji na lukatazho lwa mu misunyi, kabiji kechi wajinga nakyu ne. Nanchi twasata bingi.

⁵ Monai bonse balunda netu bawama. Navuluka yuwe mwanamulume kwiya kwi amiwa ku misambo ya kwitebausha ku—ku Chautauqua kimye kimo, Naketekela byo kyajinga. Najinga na kajo kakwiaula ne obewa ne bakazhi bobo ne baana, Naketekela byo. . .nangwa obewa ne bakazhi bobo, nangwa baana, ee, ne abo. [Mulongo waamba mba, “Middletown.”—Waku.] Middletown, pa. . .Bino atweba bonse. . .Nalubamo joja jizhina, nanchi Amiwa ne jitela mba Chautauqua. Ee, mwane. Bavula balunda nami bawama.

⁶ Mulongo Charlie Cox kabiji ne Nyenga Nellie kukwe, nzubo yabo ke nzubo ya bubiji kwi amiwa, kabiji kafwako kijipo ne bino anweba mwafwainwa kwikalatu baana bami. Amiwa ngyaa kokwa, iko ko taya kimye kyami kyabaya kya kukokoloka, ke konka kwa. Aye ye kibinda wawama bingi mu Kentucky inge Amiwa nji ku Indiana. Kabiji nanchi Indiana. . .Kabiji Charlie, Na kubuula namba Amiwa nkebeshatu, mbena kumvwa nobe Nafwainwa kukwatapo bipale bimo byatutumana nangwa

makamba Amiwa saka kyangye kutatula kokwa ne. Amiwa mbena kumvwatu nobe Nakonsha kwi kyuuba kyabaya bingi.

⁷ Mulongo Parnell...Par-...Arnett, kufuma ku Lou-... South Carolina. Kabiji Mulongo...Kyawama, muji bavula bapusanapusana bafuma ku mampuzha apusanapusana, baiya lukeelo luno na kwitupepula.

⁸ Mwayukatu, atweba kechi tujipo na bumembala bwa kikupu ne. Tujitu na lumvwang'ano lwa bupopweshi umo ne mukwabo, akwe Mashi a Yesu Kilishitu, Mwaana Lesa, kasa abena kwitutokesha kufuma ku bumbulwa koloka bonse.

⁹ Pano, atweba tuji na lufunjisho lwawama bingi, lwa wamishatu. Kabiji tuji, nangwa pacheche Amiwa...nayuka namba Amiwa mbena kwilumvwa bulongo, kabiji Nayuka mba ne anweba bonse mubena kwilumvwa bulongo. Amiwa ntatula bimeyo bimo mu juba jonse, kwamba pa kikye nangwa kutanga pa kikye, Ntola pepi nobe maveleshi abiji kabiji ntatula kupita mu Binembelo kabiji, kintu kitanshi mwayukatu, Amiwa nafuma ku Ntendekelo kufika ne ku Lumwekesho, mbena kukiyatu.

¹⁰ Kabiji, mwayukatu, Nakonsha kutemwa kwikala na kimye kyo twafwainwa—kyo twafwainwa kutola Buuku wa—wa Bahebelu, ne kwikisendatu nobe...Kyawama, inge kimye kya baluyeye kyafika, biji Kainyai-...nobe Tund-... Kasalakanduba, mwayukatu, kabiji kutwajijilatu poso kimye kyafika kyakuya kubushiya bwa tulunga twa meema, kila bufuku mu Buuku wa Bahebelu, nangwa Buuku wa Kulupuka. Byoaubile Lesa, Kulupuka, kufumya bantu Banji mu Ijipita, ko kulupuka! Ke kipasha kyetu pa kino kimye kyawama bingi kya kwinengezha kwetu kwa ku kulupuka. Kiji, oo, ke kintu kyawama bingi. Abye byonse Binembelo bikasatu pamo, kabiji ke Jishimikila jimo jabaya bingi.

¹¹ Pano, lukeelo luno tuji mu—tukijitu mu Buuku wa...Tusa kusenda byapitala bitanshi bisatu bya—bya mu Buuku wa Efisesa. Paulo mu kalata yanji ku bena Efisesa kasa aji ku Efisesa, kweseka, kwikajika kipwilo mu kifulo kyakyo. Kabiji kasa tukyanye kufikako ne, twikalepo na kimye kimo nangwa bibiji bya milombelo, kasa tukyanye kuuba.

¹² Anweba Nkambo, Lesa wetu, pano tubena kwiya mu Kyeenyi Kyenu, byo tuji babula kufikilamo, nangwa byonkabyo twayuka mba kuji Kitapisho kya Mashi kibena kupembelela, kwitutokesha ku bumbulwa koloka bonse, kabiji ne kwitufikizha kwi Taata, kwakubula kaneneno, kwakubula mambo. Kafwako kyo twakonsha kuuba ne pakuuba mba tufikilemo mu kikye. Pano mambo Yesu witubila kikye, twakunama na kwikepesha ku Kyeenyi Kyanji ne ku Jizhina Janji, nalomba mba Anweba musakutuma Mupashi Wazhila lukeelo luno mukachi ketu. Kabiji byo nabula kwikala wafunda masukulu amambo awama nangwa kuyuka mwa

kutachikila Kinembelo ne, bino kutundaikwatu kabiji ne kusata mambo akumvwa Mupashi Wazhila byo Abena kwenda kupita mu bumutu bwami, lekai Apeshe atweba bonse byo tubena kutanga Kyambo Kyenu kyanembwa, pakuuba mba Kitufwainwe kwikala na Bumi Bwapeenape. Kiswishai kye, Taata. Twikipuzha mu Jizhina ja Yesu kabiji ne pa mambo akwa Yesu. Amena.

¹³ Bino Nafwainwa kwamba muno, kitanshitu, amba kimye kiji kyonse inge Nakonsha kwamba kintu kimo kyo mwakonsha kubula kuswisha, kubula kwibibika bulongo, kapepo byayatu mungi kulufunjisho lweni, nangwa kintu kimo kyo mwakonsha kubula kuswisha, Amiwa mbena kuketekela Mupashi Wazhila, amba Aye usakwikilengela kwikala kyaitabilwa kabiji kyawaina poso kwabula nangwa . . . kwabula mambo nangwa pachechetu ne. Mwamona? Amba kikekala—kikekala kupichila mu butemwe ne lumvwang'ano lwa bupopweshi, abyoyokiji . . . Kyalumbulula yekao musango.

¹⁴ Kabiji akye kyatatwile na busapwishi bwa Pamulungu wapita, Naketekela byo kyajinga, Pamulungu wapita lukeelo, amba *Mfumu Ye Bakana*. Pajipo watambulapo awe tepu nyi? Naketekela be atambula, kabiji mwakonsha kwikala nao inge mu bena kwiakeba, *Mfumu Ye Bakana*.

¹⁵ Pano mobatu acheche tukatatula pa . . . akwa ku Middletown, Ohio. Tubena kukeba bonse baji—baji na moba akukokoloka abikwe mu kyokya kimye pakuuba mba bakasambakane ne atweba kokwa, mambo tubena kuketekela kimye kyawama bingi kya lumvwang'ano lwa bupopweshi ku Middletown, Ohio. Dokotala Sullivan ye wa kumupando, Naketekela wa kyokya kije. Kabiji kukekala mafuku faivi a kikyeye, Amiwa nkasapwilanga nobe—nobe ng'ambi mwenyi ku Mbung'eno ya Byaalo ku kipwilo Kyabula bu dinominesheni. Kabiji pano—pano pa kupwisha kyokyo, kikekala ke mpwijilo yetu kufuma popa. Twatachika mba kukafika pa twelufu, bino kibena kumvwanika mba twakonsha kutwajijila kuya mu mulungu mukwabo, kyaikelatu pa Mupashi Wazhila byo akonsha kutangijila. Atweba bonse tukeba kutangijilwa na Mupashi; byonka byaamba Mupashi, nanchi kyubai bukiji.

¹⁶ Kabiji twayai tuvuluke mba mu kimye kyo tubena kukokela Mupashi, lufunjisho lumo lukatampe lo tubena kukeba kufunda, kechi kwi kyuuba bukiji bukiji ne. Monai, kuya lubilo ne, ikalai na lwitabilo. Inge twaipuzha Lesa kintu kiji kyonse, vulukai Lesa ukumbula milombelo. Aye wikyuba mu kimye Kyanji, monka mo kyawamina, wikyuba kyaingila bulongo kwi atweba. Kabiji inge akye kechi byokiji ne, nanchi kika kyo tubena kuuba kuno lukeelo luno? Kika—kika kyo tubena kukebela Bwinakilishitu? Lesa . . . Inge akye kechi kyo Kyambo kya Lesa ne, nanchi kechi Kya bukine ne, nanchi twatanwa kwikala bantu bakila kuyanda.

¹⁷ Amiwa njibingi na lusekelo pa kunungakana na michima yavula muno abo bayuka mba Akye kyo Kyambo kya Lesa kyabukine. Nanchi Akyo, Akyo Kyambo kyonse kya Bukine, Kyambo kyonse Kyakyo, kibese kyonse Kyakyo. Kabiji na bupe bwa Lesa, najinga na jishuko ja kumona Ntanda ayo nkotukaya juba jimo.

¹⁸ Keesha japita (Bantu kechi bayuka bulanda byo bwiya na uno musango wa mwingilo ne.), Nji bingi na bulanda, kabiji Naambile ku bakazhi, “Nalanguluka mba nanchi inge Natwajijila kuya.”

Waambile mba, “Kika kyo waambila byo byo, Bill?”

Naambile mba, “Oo, kuno Njina makatazho ne bintu bikwabo.”

¹⁹ Kabiji kyamwekele nobe Mupashi Wazhila waambile mba, “Obewa ubena kusaka kwi bapitaila? Obewa—obewa ubena kusaka kwibanyema?” Mwamona?

²⁰ “Ine,” Naambile mba, “lekai ngimane mu kimye kyabibye kabiji ne kwibikumanya.” Monai, kyubatu. . . Mwamona?

²¹ Ke kintu kyawama bingi. Kyabukishika, yakine, Naamba kikye kya kumona na meso ami, amba pa kupwatu bubwe bumi, tutwela mu Ntanda yakila pa kintu kyonse muntu kyo akonsha kulanguluka. Kabiji umvwe muji benyi muno, Naketekela mba anweba kechi. . . Nalomba kwi Lesa amba anweba kechi mumone nobe ne wa myendeleko ne. Na—Nasaka, inge kyakonsheka, kyafwainwa kwikala wakishika kabiji ne kubulang’ana Bukine. Kabiji ing’anyi buwame bo yakonsha kungubila ami pa kubulang’ana kintu kyatama, kasa kuji—kasa kuji byavula bya Bukine? Atweba, kika kyo twafwainwa kubulang’ana kintu kyaya mungi pa kikye? Mwamona? Kiji, Kijitu kya Bukine.

²² Kabiji, kechi kyakukumya ne, Naketekela mba Paulo watwajilwe mu jiulu ja busatu, kabiji wamwene bintu byakuuba mba kechi wakonsha kwibilondolola ne. Kabiji juba jimo waambile mba, “Jiso kechi jikimonapo ne, kutwi kechi kwa kyumvwapo ne, nangwa kuyukanyikwapo mu muchima wa muntu ne, abya Lesa byo ebalamina (kusunga) aba bamutemwa Aye.”

²³ Oo, tubena kwikala. . . Atweba tubena kwikala mu kishala pano potuji, byo byonka, ke mulumba wandochi wa—wa bwishi bubena kufutumuka kufuma ku biko. Bya. . . Nangwatu atweba kechi twakwatwa ku bibye biko ne, tubena kwikala monka, amo bwishi mo bubena kufumina na kufutu—muka kwa bubu. Ke kintu kimo kileta misongo kyo Nakonsha kulanguluka, ke kishala kya muzhi wakala kibena kupya. Anweba mwakifikako pepi pa kimo nyi? Abwa bwatama, bwema bwatama bwa bwishi bubena kufuma ku musango yense wa ndochi. Kabiji—kabiji wakabula bwishi bwakyo, bukwalula wazhokoloka.

²⁴ Amiwa navuluka nailenga ku New Albany, monka mu... kulutwe ya Mukwakwa wabu Eitiini, akwa kwaikalanga kishala kyakala, kabiji Amiwa nayanga konka na kusenda masawakya. Kabiji Amiwa najinga wakatazhiwa bingi aja juba, mu mukwakwa wa eitiini, byo Naile na kusenda masawakya kokwa, mambo kwajinga nukilo yatama bingi. Kabiji nangwa byonkabyo, kwajinga mibiji ya bampunku ne bakabwa ne byonsetu, mwayukatu, akwa kufutumuka kabiji ne bwishi bwakala nabo bwafuminenga konka.

²⁵ Pano, nanchi, abwe bumi byo bwaesakana nabyo pamo, apa ponka po bwawamina. Akwa kufutumuka, bubu bunuka kufuma konse kose, byonka byo kyajinga, mwaila kwamba bumupashi. Bino, oo, akwa kubena kupupa mwela wakasuluka, kabiji byonse bijitu bya butemwe ne mutende ne lusekelo kabiji ne Bumi Bwapeenape, kubushiya bwa mukola. Bino atweba tuji mukondo, nanchi kechi twafwainwa kulalatu panshi ne kwamba mba, “Twayai tupelawizhe tuye kubushiya bwaa ine,” twayai tulate yense ye twakonsha kwiya nanji. Ee.

²⁶ Kabiji bino alwe lufunjisho lwaimena pa kwikajika aba baiya kala kubushiya bwa Ntanda. Ene mambo akikye, a kufunjila yuwe Buuku wa Efisesa, ke kwikajika kipwilo pa kifulo kyakyo po kiji mwi Kilishitu. Ke kipasha kya mu Lulayang’ano Lwakala kabiji ne Buuku wa Yoshua, apo Yoshua po ebabenye. Pamulungu Wapita twajinga nakyo, apo Yoshua po a abenye ntanda ku muntu ku muntu. Kabiji wikyubile na lutangijilo lwa lumwekesho.

²⁷ Nga Mosesa wajinga... walupwile bantu kufuma mu Ijipita, galiki, bishu, kwi balupula, ne kwibapa mpuzha ako Lesa ko ebalaille myaka foolo aduleendi palutwe... nangwa myaka foolo aduleendi kasa ikyangye kufika, amba Aye ukebatwala mu ntanda yawama, ntanda yawama yayula mukaka ne buki. Kabiji Mosesa wibatangijile baana ba Isalela kufikatu pepi na ntanda, bino kechi wibatambwisheyo ne.

²⁸ Kabiji Yesu, ku wa bumupashi, ku bantu bakooba... twalailwa Mupashi Wazhila kufumatu kuntendekelo, Yesu witutangijile kufika ku mulaye. Pakuuba Mupashi Wazhila waishile, nobe Yoshua, wa kwikala tangi ne kutangijila ne kubulang’ana kabiji ne kutambula ntanda, nangwa kutambula kipwilo. Twatana kuuba mba, kyakutatwilapotu, nanchi, amba mwetu...

²⁹ Bino apo ipo, kape, bantu po balanguluka mba Amiwa ne ntota kabiji amba mbena kulengulula balongo. Amiwa kechi byonji ne! Lesa ekale Kamonyi wami, Amiwa kechi byonji ne. Mwamona? Amiwa mbena kwesekatu kutongola kintu kimo amba kya Bukine. Mwamona? Twasala batangi, ba bantu, mu kifulo kyakutangijila, batangi, na lutangijilo lwa Mupashi Wazhila. Tukeba bantu kwitwabanya lubaji lwetu kabiji ne

kwitutangijila, madinominesheni nobe ba Methodist, Baptist, Presbyterian, Lutheran, Kipwilo kya Kilishitu, Pentekosito, kabiji madinominesheni apusanapusana, babika kabungwe nobe kyakumwenako, kabiji twalondela kyokyo. Bino atweba. . .

³⁰ Kafwapo nangwa pamo mu Baibolo po twafwainwa kuuba kyokyo ne. Kechi pajipo nangwa kibaba kimo kya mu Kinembelo, mu Baibolo yense wakwa Lesa ne, apo Aye po aalwile kipwilo ke kabungwe nangwa kwepi ko Aambilepo pakabungwe, kafwapo nangwa pamo mu Baibolo ne. Bino kimye kyonse kikala kyapusanako. Aye kechi witukeba atweba kupashang'anya na bintu bya muntanda ne. Aye witukeba kwikala bapusanako, bapatulwako.

³¹ Amiwa kechi natazha mu “kukosama,” nobe byo twikitela ne. Natazha mu kuuba mba bantu-baitwa, oo, ke kyaalo kyapeshiwa kyazhila, kwikala bwikala bwabulamo kaneneno, byubilo, kwi mwesha byubilo atweba bene nobe Aye byo afwainwa, kwingila mwi atweba, mambo atweba twibusendwe Bwanji, twalengwa mwi Kilishitu Yesu ke bakwingila mingilo yawama.

³² Bino, pa Kisatu bufuku, bavula mwi anweba kechi mwajinga kuno ku Pakisatu bufuku ne, bino twafikile mu. . . Naketekela mba ke veeleshi wabu 3 nangwa ba. . . Ine, ke veeleshi wabu 5.

. . . *kwitwalula ke baana*, nangwa kwikajika bantu. . .

³³ Monka Lesa, kweseka kwikajika bantu Banji, kabiji umvwe Lesa waikajikapo umo, pano, oo, kipwilo kyonse kebakube kwikala nobe yekawa umo, bekale na bintu byamusangotu umo, kuuba bintutu bimo. Atweba twaabanwapo mwapusanapusana, atweba twalengwa bapusanapusana, twakomeshiwa mwapusanapusana, kabiji twaikajikwa mu bifulo byapusanapusana, umo umo wakwingila mwingilo wapusana; kape umo wamwingilo mucheche, mukwabo mwingilo mukatampe. Naketekela kyajinga Davida nangwa umo wa bangauzhi, Nalubamo pakino kimye, waambile mba, “Amiwa kyangwamina kwikalatu kyakunyatapo maulu pa kibelo kya Nzubo ya Nkambo, kukila kwikala. . . kwikala mu matente na ba-. . . babi.”

³⁴ Pano tusakwimanako senkodi umo pa kwalulwabubana, na veeleshi wabu 5, kweseka kufika panshi monka mo kyakonshekela kubiwa. Bino vulukai kine kishina, kijitu pa kwikajikwa. Baanga baumvwa kyokyo? Lekai ne mumvwe anweba mwi kyambe na kyambo kimo: “Kwikajikwa Mubiji wa Yesu Kilishitu kwikajikwa mwi Kilishitu ako Mupashi Wazhila nko abena kwitutangijila.” Abyo byokiji, pano tuji nako, mwamona. Kwitwikajika mu bifulo byetu, Buuku wa Efisesa ye wa kuuba byooby.

³⁵ Kabiji talai yuwe mufunjishi mukatampe, Paulo. Kintu kitanshi kyo auba aye ke kufumyako milanguluko ya

kupondoka. Wafumyako mulanguluko yense “wa kwikala Mwinakilishitu leelo kabiji keesha Amiwa naya, kabiji juba jalondelapo Lesa wazhachisha kabiji juba jalondelepo Amiwa nabwela jibiji.” Abyo ke byabulamo maana! Pano awe ke... Awe Buuku kechi wanembelwa lufunjisho lwa busapwishi ne, busapwishi bwa basapwishi. Atweba kechi... Amiwa kechi ng’amba pa kikye byo tuya mu mwingilo ne. Amiwa ndeta bibye ku kipwilo, mambo Paulo waamba bibye ku bazhijikwa, abo baitwa kabiji balaminwa, kabiji bayulwa ne kupatulwako, kabiji baji mu Mupashi Wazhila, baji kala mu Ntanda ya Kenana. Aye ubena kweseka kwibabula, kintu kitanshi, kifumyai mu milanguluko yenu amba anweba mukekala balubilamo kabiji munkoba *kikye*, kabiji anweba muji na moyo mambo a *kikye*. Kechi mwikale na moyo patutune, mambo aye ubena kukeba kwi mubuula po muji, yenu bang’anyi, mwaimana byepi.

³⁶ Pano, obewa wakonsha kuuba bintu byatama, kabiji kimye kyonse kyo wakonsha kuuba kintu kyatama ukatambula fweto pakokyoko. Ee, mwane, ukanowa kyonka kyo wabyala! Bino akyo kechi kijipo na kintu kimo kya lupulukilo lobe ne. Inge wasemwa ku Mupashi wakwa Lesa, uji na Bumi Bwapeenape kabiji kechi wakonsha kufwa ne byonka Lesa byoabula kufwa. Obewa wi lubaji lwa kwa Lesa, obewa wi mwaana wakwa Lesa.

³⁷ Amiwa nasemekelwe Branham. Anweba mwakonsha nkupa jizhina jikwabo. Jizhina jikwabo kechi jakonsha kungalula amiwa ke wabujilwamo pacheche ne, Amiwa kijitu Branham. Amiwa nasemekelwe Branham, kimye kyonse kekala ke Branham. Amiwa kekala... Amiwa nakonsha kwikala uji na mwekelo yatama, naikala na kikola kya mashimba, naikala na mwekelo ingi kabiji yatabaulwa poso Namweka nobe nyama, bino Amiwa katwajijilatu kwikala Branham! Kika? Branham mashi anji aji mukachi.

³⁸ Abyo byobyo uji. Kabiji kikulutu Lesa wakulenga obewa... Pano vulukai, kechi Mbena kwamba ku booba baji pangye ya Kilishitu ne. Mbena kwamba ku booba baji mwi Kilishitu. Mwakonsha kutwelamo byepi mwi Kilishitu? “Konka ku Mupashi umo!” Kisopelo kikatampe M-u-p-a-s-... kyalumbulula mba, “Monka mu Mupashi Wazhila umo motwabatizhiwa bonse mu Mubiji umo.” Tuji byepi atweba... Tutwelamo byepi? Konka kulubatizhilo lwa mu meema? Byo Nabula kwitabazhanya nenu anweba ba Baptist ne anweba Kipwilo kya Kilishitu. Kechi ku lubatizhilo lwa mu meema ne, nangwatu pacheche ne! Mutanshi Kolinda 12, waamba mba, “Konka ku Mupashi umo, Mupashi Wazhila, motwaletelwa mu yewa Mubiji.” Kabiji twikala bakikizhiwa byonka awa Mubiji byo aji wakikizhiwa. Lesa ye... wikilayile.

³⁹ Nga Lesa wakonsha kumuzhachisha Aye byepi jibiji, byo Aile ku Kalvali? Kuya ku Gologota, Aye wapuminwe, wafumpilwe, Aye kechi wakonsha kubuka ne, Aye kechi

wakonsha kwamba kyambo, nangwa pacheche ne. Mambo aka? Aye wajinga na bubi bwa panopantanda pe Aye. Kechi mambo a kuuba mba Aye wajinga mubi ne, pakuuba “Aye wialwilwe ke bubi” na mambo ami ne enu. Bubi bonse bwa panopantanda kufumatu kwi Adama kufika ne ku Kwiya Kwanji, bwajinga pa mapuzhi Anji. Kabiji Lesa kechi wamanyikilenga Mwaana Wanji ne. Aye wamanyikilenga bubi. Mwamona byo kyajinga kyatama nyi? Aye wangepzhezehenga mfuto ya mambo. Aye walengelenga jishinda ja kunyemenamo ja aba bonse Lesa, na mambo akuyukila jimo Kwanji, wayukile mba bakeya. Tusakutwela mu kyokyo mu mamineti achechetu.

⁴⁰ Pano, nanchi, inge obewa “konka ku Mupashi umo atweba twabatizhiwa mu yewa Mubiji, umo Mubiji, ao ye Kilishitu,” kabiji twakikizhiwa myaka.

⁴¹ Pano, apo ipo po kimweka kwibafikila, kukijishamo ba—ba—baketekela mafunjisho a Kusalulula kwa muntu, amba baji. . . boba kintu kimo kyakuuba mba muntu ekale wafikilamo aye mwine, nangwa kintu kimo kyakufikilamo. Kyakonsha kwikala byepi na bintu bibiji pa kimye kimo? Kyafwainwa kwikala kyakupichila mu bupe nangwa mu mingilo, kimotu. Kechi kyakonsha kwikala mu kintutu kimo ne, kiji ku bintu bibiji byapusanako; kyafwainwa kwikala mu kintu kimo. Kiji. . .

⁴² Amiwa, ami, Amiwa kechi namonapo kintu kibwabo ne kanatu bupe bwa Lesa. Abyo byobiji milanguluko yami. Amiwa kimye kyonse naketekejile mu bupe. Amiwa ne bupetu pose pose, kyokyo ka. Kechi ke Ami ne—Ami. . . ne mu bumi bwami, kimye kyo Najinga nsongwalume, Amiwa kechi namwenepo kintu nangwa kimo ne, bupetu, bupe. Baamba mba, “Amiwa—Amiwa nkoba. . . Obewa wakwanya nyuma yami kabiji ne Amiwa nkakwanya mobe.” Kyawama, ke ng’ambilo yatama. Bino Amiwa kechi natako muchima nangwa anweba mwakwanya yami nangwa ne, inge yobe ibena kukebewa kukwanya, Amiwa sakwimukwanya nangwa byonkabyo. Monai, bupe. Ee, mwane. Monai, bupe bwingila na butemwe. Inge mubena kwibukeba! Nangwatu anweba kechi mwangubilapo kintu kimo, Ami—Ami kechi jipo na kintu kimo kyakuuba ne obewa ne, inge wikikeba Amiwa ke kyuba nangwa byonkabyo. Bupe! Mambo anweba mwi bukeba!

⁴³ Amiwa nakebelenga kupuluka. Kechi kwajingapo kya nkupulusha ne. Kechi kwajingapo kyo Nakonsha kuuba amiwa mwine ne, Amiwa kechi nakonsha kwipulusha ami mwine nangwa pamotu ne. Bino Nakebelenga kupuluka, mambo Naketekejile mwi Lesa. Kabiji Lesa watumine Mwaana Wanji, walengelwe mu kipasha kya buntushi, pakuuba mba amanamine mu kifulo kyami, kabiji Amiwa na pulukile, konka ku bupe Nkonapulukijile. Kechi pajipo kintu kimo kyo Nakonsha kuuba, nangwa obewa kwikyuba, mu kwipulusha obewa mwine ne.

Kabiji abo bo Ayukijile jimo kintendekesho kya inontanda kasa kikyangye kwikalako. . .

44 Twajinga mukikyeye, Pakisatu kyapita. Twamwene Lesa mu bu Elah Bwanji, Elohimu, kabiji twamwene mba Aye wajinga waikalako-pabuke bwanji. Bino mukachi Kanji mwajinga Butaata, mukachi Kanji mwajinga byakufikilamo byavula, nobe Mupulushi, nobe Ubuka. Abyo byonse byajinga mwi Lesa, kabiji Lesa wajinga waikalako-pabuke bwanji. Bino Aye byo ajinga Mupulushi, Aye wajinga Ta- . . . Aye kechi wajinga na Malaika ne, Aye kechi wagingapo na kintu ne. Kechi kwajingapo kintu kikwabo ne kanatu Ayemwine. Aye wajinga waikalako-pabuke bwanji. Kafwako kikwabo kyajingako ne kanatu Lesa.

45 Bino byoaji mba Aye wajinga Lesa, nanchi kwafwainwa kwikala kintu kimo kya kumupopwela Aye, mambo Aye watenenwe bupopweshi. Kabiji Buntu Bwanji Ayemwine bwalengele bilengwa bya ku mupopwela Aye. Pano, bukiji bukijitu, twayai tubwelepo jibiji, bukiji bukijitu pano, kechi tusakupita mu byonse ne, bino anweba mu kebyumvwa pa tepu. Bino nanchi mambo Aye wajinga Lesa, Aye walengele ba Malaika, kabiji ba Malaika bamupopwejlenga Aye. Bamalaika bakimupopwela Aye. Kika, Babamalaika bemana mu Kyeenyi kya Lesa baji na sikisi, bibese bya byapi, byapi sikisi. Basenda bibiji bya kuzhika pa bilungi Byabo, bibiji ku maulu Abo, kabiji bibiji byakutumbukilako, mu Kyeenyi Kyanji, na kubijika mute ne bufuku, “Wazhila, wazhila, wazhila, Nkambo Lesa Wabulume bonse.” Abyo byo byaamba Kinembelo. Abo bamupopwejlenga Aye, pano walenga kintu kimo kya kumupopwela Aye.

46 Pano mukachi Kanji mwajinga musabilo wamulanguluko umo wa bu Mupulushi. Mujishindaka kimo kya bibye Bilengwa, kasa kwabula bubi nangwa milanguluko ya bubi, mujishindaka umo wa mwi Abo wakonsha kulubilamo? Kechi kyakonshaka ne. Nanchi kwajinga kintu kimo kyalengelwe kyakonsha kulubilamo, pakuuba mba Aye ekale Mupulushi. Mukachi Kanji mwajinga Ubuka. Mwaketekela mba Aye ye Mupulushi nyi? Mwaketekela mba Aye ye Ubuka? Pano inge kechi kwajipo kintu kimo kya kupulusha nangwa kubuka ne? Mwamona, kwafwajilwe kwikalapo kintu kimo kyalengwa mujoja jishinda.

47 Nanchi pano, Aye kechi wikilengele muyewa musango ne, bino Aye wabikile muntu kwikala wakwisajila aye mwine, “Inge watola *kikyeye* waikala na bumi, inge watola *kyokya* wafwa.” Kabiji muntu yense wiya panopantanda ukijitu na kintu kimo kyoka. Lesa, monka mu kuyukila jimo Kwanji, wayukile ukooba kabiji ne ukabula kuuba. Inge Lesa byo aji. . .

48 Jipuzho jaipuzhiwe keesha kwi wafunjishiwa sukuulu wa mamboawama, kwi ami, ao wajikutanwanga ku mpwijilo yetu nangwa kuteleka ku tepu, waambile mba, “Jipuzhotu jimo!”

Aye waambile mba, “Nanchi Lesa utanwa konsekonse? Kabiji,” waambile mba, “Aye wakonsha kutanwa konsekonse?”

⁴⁹ Naambile mba, “Aye kechi utanwa konsekonse mwaila kyambo byo kyaamba mba utanwa konsekonse ne. Aye kuuba waikala Kyabumi kabiji watanwa konsekonse ne. Inge Aye utanwa konsekonse, kika kyo mwakonsha kulombela Mupashi Wazhila? Inge Aye utanwa konsekonse, Aye uyuzha milala yonse, pachipuka, pa nekuka, kakishi konse kabumi, mushipeshipe yense, kintu kyonse kijiko.” Naambile mba, “Kika Aye kyo akebejilenga Mosesa, inge Aye utanwa konsekonse, pa nzubo ya bwenyi? Kika Aye kyo aendejilenga kuku-ne-kuku mu mubuji bwa Edena, nakwita, ‘Adama, Adama, uji kwepi?’ inge Aye utanwa konsekonse?”

⁵⁰ Aye utanwa konsekonse mambo Aye wayuka bintu byonse. Aye wayuka bintu byonse mambo Aye kechi uji na ntendekelo ne mpelo ne, byo aji wabula ntendekelo ne mpelo kyamulengela kwikala Aye utanwa konsekonse. Byo aji utanwa konsekonse, nanchi, byo aji wabula ntendekelo ne mpelo, nanchi, Aye wikala Mwiulu. Aye wikala pa kifulo mambo Aye ke kintu Kyabumi.

⁵¹ Bino, byo anji wabula ntendekelo ne mpelo, nanchi Aye wayuka bintu byonse. Uyuka kimye kyonse lubwibwi byo akopa jiso. Uyuka lunyuki yense, konse ko aya mukilele na kusenda buki bwanji. Aye uyuka kamimbya konse kaikala ku kichi. Aye wayuka mulanguluko yense uji mu milanguluko yenu, mambo Aye kechi uji na ntendekelo ne mpelo ne kabiji wayuka bintu byonse. Kokuuba mba, Aye kechi Ujitu wabula ntendekelo ne mpelo ne, Aye wayuka bintu byonse, Aye wayuka byonse. Bino Aye byo aikala Kyabumi, Lesa ke Kyabumi, kabiji kufuma mu kikye Kyabumi mwatatula kufuma bibye.

⁵² Kabiji bubi, Naambile bufuku bukwabo, mba bubi kechi bwalengwa ne. Kechi pajipo kintu kikwabo kyalengwa ne kanatu kyalumbuluka. Lesa walengele bintu byonse byawama. Bubi kechi bwalengwa ne. Waambile mba, “Kyawama, ako ko kulengwa kwa bubi.” Anweba mwaumvwa kyokyo. Bino akyo ke kilubo. Bubi . . . Kujitu Mulenga umo, ao ye Lesa. Lesa kuuba walenga bubi ne, mambo Aye wazhila kabiji kechi mujipo kintu kimo mwi Aye kya kwikilenga ne. Bubi ke kintu kyatwalwa mungi; kechi kyalengwa ne, bino ke kintu kyatwalwa mungi. Bukende ke kyubilo kyabololoke kyo batwala mungi. Bubela ke bukine bwabulwang’ana mo kyatamina. Bubi bonse, bubi bonse ke bololoke bwatwalwa mungi.

⁵³ Onkao mambo pano, Lesa waikala. Aye wimwasha kala Aye mwine, Aye ye Lesa. Aye wimwasha kala Aye mwine bu Mupulushi, muntu wajinga waluba kabiji Aye wibapulusha. Aye wimwasha kala Aye mwine bu Ubuka. Kechi kiletapo lupusano na byo bamba bantu amba Byoaji ne; kabiji Aye byo aji, nangwa byonkabyo, kijitu pamo. Aye ye Ubuka, Aye ye Mupulushi,

Aye ye Lesa, Aye ye Wapeenape. Kabiji Aye uji na nkebelo. Kabiji nkebelo Yanji yajinga, mu ntendekelo, kulenga bilengwa byakonsha kumutemwa Aye kabiji ne kumupopwela Aye.

⁵⁴ Kabiji Aye walengele bilengwa, kabiji bilengwa byaponene. Kabiji nanchi Lesa, monka mukubula buntendekelo ne bumpe-
lo Bwanji, watajile mu bimye bya kulutwe kabiji wamwene muntu yense ukapuluka. Muntu yense, Aye wikiyukile monka mukuyuki- . . . monka mukuyukilajimo. Onkao mambo inge Aye, monka mukuyukilajimo, wayukile ukapuluka kabiji ne ukabula kupuluka, Aye wakonsheshe kutongwela jimo. Nanchi, kyambo kechi ke kyambo kyatama ne nangwa byonkabyo, ibyo nyi? Aye wakonsheshe kutongwela jimo, mambo Aye wayukile ng'anyi wakonsha kabiji ne ukabula kukonsha. Onkao mambo, pakuuba mba akwate aba bakonsha, Aye wanengezhezhe aya—aya mfuto ya mambo abo. Oo, inge twakonsha, tukeba kufikapo, ke binembelo bichechetu panshi. Aye witongwejile jimo ku Bumi Bwapeenape, wayukile mba abo bakasha bintu byonse, kabiji nangwa kimweke byepi kyapusanako ku baana ba muntanda, kechi kyakonsha kwikala na kilumbululo kwi abo ne, mambo bajinga baana bakwa Lesa. Kabiji Aye wibechile.

⁵⁵ Kabiji Aye watumine Yesu, amba Mashi Anji ekale ke mfuto yamambo, Mashi amfuto yamambo, mukulenga mfuto yamambo, nangwa ki—kikale kyaitabilwa, nangwa kyakutokesha. Ke ndonda yakutokesha kikupu. . . Kechi kimyetu kimo pa kusangululwa ne, kana “kyaikala kyakikupu, kwikala ng'ambi,” pakuuba mba Mwinakilishitu ekale walamwa watoka mute ne bufuku. Kuji Mashi a Yesu Kilishitu alenga kya—kyaitabilwa pa musalabo popa, pa. . . mu Kyeenyi kya Lesa, ao etutokesha kikupu, mute ne bufuku, kufuma ku ubi bonse. Kabiji twatwezhiwamo na mutende. Twatwezhiwamo byepi? Na Mupashi Wazhila, kutwela mu Mubiji wa Nkambo Yesu, kabiji muji mutende. “Aye umvwa Byambo Byami ne kumwitabila Aye watuma Ami, uji na Bumi bwa myaka kabiji kechi ukeya mukinje ne, pakuuba wapita kufuma kulufu kuya ku Bumi.” Kechi kujipo luzhachisho ne! Aye Mwinakilishitu kechi wiya mu kinje ne. Kilishitu wa muyijileko. Ng'ambi Wami waimene mu kifulo kyami. Aye wang'ambijileko mambo ami, amba kafwako kyo Nayuka ne. Aye wabujile Bataata mba Amiwa kechi nafikilamo ne, amba kafwako kyo Nayuka ne. Pakuuba Aye watemenwe kabiji Watolele kifulo kyami, kabiji wang'ambijileko mambo ami, kabiji leelo Amiwa nakasuluka! Ee, mwane. Kabiji Aye wasumishe Mashi Anji, wapaine popa mambo a ubi bwetu.

⁵⁶ Vulukai pa Kisatu kyapita bufuku, kafwako Mwinakilishitu. . . Benakilishitu balenga mambo, pakuuba ndengamambo kechi ulenga mambo ne. Ndengamambo kechi ulenga mambo ne, mambo aye ndengamambo. Aye ke ndengamambotu kyakutatwilapo, kabiji byo byonka. Kuno,

tolai ku—kunyuma kwa yuwe bukuuku, ufitu, kyafita kyabaya byepi? Kyonsetu kifita. Kechi kujipo kitoka kwi akyo ne, kijitu kifita. Anweba mwamba mba, “*Akye* kyabaya papo.” Ine, kechi byokiji ne, kyonsetu kifita. Kyonsetu kifita. Abyo byobiji ndengamambo. Aye kyakutatwilapotu wazhatwa. Kyawama, mwamba mba, “Pano ibyepi umvwe wauba bukende? Pano ibyepi umvwe wakajikizha mwanamukazhi umo kulenga nanji mambo? Ibyepi inge aye—ibyepi aye wateya ngyuka? Ibyepi umvwe walozu muntu?” Ao kechi ke mambo etu ne. Ao kechi ke mambo etu ne, tuji na mizhilo muno yakonsha kulondaizha byobyo. Atweba kechi twi malifoma ne, twi basapwishi ba Mamboawama. Atweba kechi tumuzhachisha pa byobya byauba ne, atweba kechi tumuzhachisha na mambo a kuuba bukende ne. Tumuzhachisha mambo aye ke ndengamambo! Inge aye Mwinakilishitu, inge kechi wikyuba ne. Abyo ibyo. Inge aye wapipulwa, kechi wakonsha kuuba kyokyo ne. Pakuuba mambo aye ke ndengamambo, akyo kyo kimulengela kuuba kyokyo.

⁵⁷ Apo ipo pokibafumyamo ba—batundaika kukosesha mizhilo. Ee, mwane. Mulongo, leka nkubule, “Kechi kya mumingilo ne, pakuuba ko kubupe kotwapulukila, monka mu lwitabilo.” Ee, mwane. Bino, kechi Nsakuzhachishapo balongo bakosesha mizhilo ne, ke balongo bami. Kabiji bakekala konka nobe bakwabo bonse byo bakekala konka, mambo Lesa watongwelwa jimo Kipwilo Kyanji amba kikekalako. Pakuuba kine kintu, anweba—anweba mulama bantu mambo bapelelwa, kechi bayukapo nangwa kimo ne. “Leelo, kyawama, kape inge Na—Na. . .” Anweba balekaitu bayuke; amba kikulutu baji nazala ya muntanda, kyakutatwilapotu abo kechi bakekalako ne.

⁵⁸ Amiwa kechi ngikala wakishika ku mukazhi wami mambo Akulanguluka mba wakonsha kunkana ne. Amiwa ngikala wakishika ku mukazhi wami mambo akuuba mba Namutemwa. Ke jishinda jaitabilwa jo twasenda, ja kuuba mba twiitemwe atweba bene. Kitanshi, kasa kikyangye kwikalako ne, kyafwainwa kwikala butemwe. Amiwa namutemwa. Nangwa Naketekela mba inge Nauba kintu kyatama, wakonsha kundekela mambo ami, nangwa byonkabyo kechi Nakonsha kwikyuba ne. Amiwa namutemwa.

⁵⁹ Abyo byokiji ne Kilishitu. Inge Na—inge Naikala. . . Njina fifite, inge Naikala naite nangwa aduleendi, naikala myaka ikwabo fifite ya kusapwila, kabiji Nabula kusapwilapo nangwa jimo ne, naya na kekala ku mukola, nangwa kikale byepi amiwa Napuluka. Lesa wapulwishe konka ku bupe Bwanji, kechi Nafikilamo na byo nakonsha kuuba ne, byo naubile, nangwa kintutu kikwabo ne. Amiwa sapwila mambo Aye Namutemwa kabiji Natemwa bantu Banji. Kabiji ao oene mambo o Nayukila mba Nafuma kulufu kuya ku Bumi, mambo akuuba mba Nebatemwa kabiji Amiwa ne balondela. Nangwatu bekale mu musangoka, Amiwa nebalondela nangwa byonkabyo. Ngyaa na

kwibaleta nangwa byonkabyo, kwibakoka nangwa byonkabyo. Inge bamwingilo bampachika kabiji bakwabo bampachika, ne madinominesheni bampachika, akyo kechi kyakonsha kunkanya ne. Pajipo kintu kimo! Akyo Aye kechi kyamukainye ne! Aye wayishile mukachi kababula luketekelo, kabiji Aye kechi kyamukainye ne, Aye nangwa byonkabyo watwajijiletu kuya kulutwe. Abyo byo tuuba, kuya na kwibaleta, kwibakwata nangwa byonkabyo. Nangwa kikale byepi, fikai, bakwatai, kwachijilai na bulume bwenu. Anweba kechi mwayuka ne kana bang'anyi. Bapulushai. Akyo ke mambo abutemwe. Kechi mambo akuuba mba "Nafwainwa kwi kyuuba ne," pakuuba mambo Njina butemwe, mambo anweba muji nabutemwe.

⁶⁰ Kwaamba mba, "Nafwainwa kuya na kuuba bulongo ku yewa mwanamukazhi, pakuuba, Amiwa nemubuula ponka pano, Nalanguluka mambo Amiwa ngya ku kipwilo Nafwainwa kuya nakwikiwamisha." Ine, obewa yobe wafwainwa kuuba bulongo, patanshitu. Mwamona? Mwamona? Inge kechi uji na butemwe bwa Lesa mu muchima obe ne, kintu kikwabo kikulengela obewa kuyuka mba waya mungi, nanchi obewa waya—nanchi obewa waya na kwikiwamisha kwi Lesa. Apa bino wikiwamisha na mwinakikalakulo.

⁶¹ Yesu wafunjishe bintu bimo. Aye waambile mba, "Inge waiya ku kitapisho, kabiji kuji. . . wavuluka mba uji na mambo na bomwalamakana nabo nangwa mulongo, yanga wikiwamishe ne aye, patanshi."

⁶² Pano, pano mu mankulo akeya palutwe. Twajinga Pakisatu bufuku, "kusololwa." Twajikwikikwata jibiji lukeelo luno, mu "kusololwa kwa baana ba Lesa." Mu ng'ambilo ikwabo, Lesa ubena kupembelela. Kabiji pano mu kimye kya kumpelo byo tukemana atweba bonse kumeso Anji. Bamalaika kechi balubile ne. Abo kechi bakayuka kumvwa bulongo mapesho nobe byonka byotuji atweba ne, abo kechi balubile ne. Pakuuba Amiwa Nayuka nkonafuma, Amiwa nayuka jibwe Nkonafumine, ndengamambo. Obewa wayuka kowafumine. Pano umvwe betutaana, nanchi twafwainwa kwimana kumeso akwa Lesa. Oo, jikekala juba jamusango ka!

⁶³ Nanchi kwalulwabubana, kwikajikwa. Pano, Lesa ubena kuuba kikye pamingilo. Kabiji inge Nakonsha kwimubula kikye, nanchi twafwainwa kutatwila pa veeleshi wabu 5, Amiwa nakeba Kwikitanga.

Byo etutongwejile jimo atweba kwitwalula ke baana monka mwi Yesu Kilishitu kwi ayemwine, monka Aye Mwine mo kyamutokela ku muchima wanji,

⁶⁴ Ke kyamutokela Lesa kuuba kyaswa muchima Wanji, kwalulwabubana, kwikajikwa. Pano Aye ubena kuubaka? Kwikajika Kipwilo Kyanji. Patanshi, Aye waichile kipwilo Kyanji, Methodist, Presbyterian, Lutheran, Baptist, kwibeta

abo. Pano Aye kika kyo aubile? Watumine Mupashi Wazhila ne kwibapa lubatizhilo lwa Mupashi Wazhila.

⁶⁵ Amiwa nakeba anweba bantu ba Kipentekosito kufumya kikye mu michima yenu. Pentekositi kechi dinominesheni ne; pentekositi ke kyakupitamo. Ke Mupashi Wazhila. Kechi kabungwe ne. Anweba kuuba mwaalula Mupashi Wazhila ke kabungwe ne. Aye kuuba waitabizha kyokyo ne. Pakino kimye muji na kabungwe komutela byobyo, pakuuba Mupashi Wazhila ufumamo ne kwimuleka anweba kasa mwaikala ponka pomuji, kabiji kasa muyatu kulutwe. Mwamona? Pentekositi kechi kabungwe ne; pentekositi ke kyakupitamo.

⁶⁶ Kabiji nanchi Lesa wapaine ku baana Banji Kusemwa kupya, kupichila mu lubatizhilo lwa Mupashi Wazhila. Abo baishile kwipi Nanji byo betokeshe abo bene, kupichila mu Nazarene, Pilgrim Holiness. Kabiji bafikile mu kyakupitamo kya pentekositi, nangwa mba lubatizhilo lwa Mupashi Wazhila, kubwezha bya bupe. Bailenga na kwamba mujimi kabiji ne kulumbulula njimi, kabiji bebapele bya bupe bya lubuko ne byabulume, kabiji biyukilo ne byakukumya, byatatula kwibalondela. Pano abo ke baana, abo ke baana bakwa Lesa. Abo baikajikwa mwi Kilishitu. Abo bekala baana ponka Pakusemwa. Kabiji Kusemwa kupya ne kwaluluka Akokwine ke Mupashi Wazhila.

⁶⁷ Obewa kechi waaluluka ne kwaluluka ne poso watambula Mupashi Wazhila. Abyo byo byaamba Kinembelo. Yesu wamwambijile Petelo, impuzhai uji yense, tangai Kinembelo kyenu, aye watambwile lubingisho ponka pa kwitabila mwi Nkambo Yesu, waikele ke wakulondela, mutumwa. Yesu wamupele bakii ba mu Bufumu. Kabiji Yoano 17:17, Aye wibazhijikile, wibapele bulume, wibatumine, bapangilemo bademona ne bintu bikwabo, wibazhijikile. “Bazhijikai, Taata, monka mu Bukine Bwenu. Kyambo Kyenu bo Bukine. Amiwa nezhijika Amiwa mwine mambo aabo.”

⁶⁸ Akyo kyo kimo kya mu byambo byawama bingi kyo Naumvwapo kala. “Taata, Amiwa nezhijika Amiwa mwine namambo aabo.” Mwayuka mba Aye wajinga na bulume bwakwikala na nzubo? Aye wajinga muntu. Mwayuka kine kintu kyo Aikajile na sambu ya kwikala na mukazhi? Aye wajinga Mwanamulume. Aye wajinga na sambu ya bibye bintu byonse, bino Aye waambile mba, “Taata, Amiwa nezhijika Amiwa mwine na mambo aabo. Amiwa nezhijika Amiwa mwine.”

⁶⁹ Amiwa ne sambile na musapwishi umo wachepa mubiji keesha, Amiwa nkasapwila kwabo mafuku acheche kukwe mu mukwakwa wamukatampe. Kabiji Namwipwizhe aye pa kintu kimo, waambile mba, “Ee, Mulongo Branham, bino bavula bantu bami kechi baketekela mu byobyo ne.”

Naambile mba, “Bavula mwi abo keboba bakonsesha mizhilo?”

⁷⁰ “Ee.” Mulongo kechi waketekela kyokyo ne. “Bino,” waambile mba, “namambo aabo!” Oo, Amiwa nakebele kupakata pashingo yanji. “Namambo aabo, monai, Amiwa nezhihika amiwa mwine namambo aabo.”

⁷¹ Oo, Yesu wafunjishenga bantu twelufu, amba kupichila mu baabo bantu twelufu bakatwala Mamboawama ku ntanda yonse. Kabiji Aye waambile mba, “Namambo aabo Amiwa nezhihika Amiwa mwine.” Ilinge obewa mwine namambo amwinakikalakulo, namambo a muntu umo. “Kechi wingijishe bwanabwabene bobbe ke mwakumwena ne,” byaambile Paulo, “pakuuba izhihike obewa mwine!” Ikalai na byubilo byawama mukikalankulo, nobe byafwainwa kwikala Mwinakilishitu wakine. Lekai kwamba kwenu kwikale, inge wakumanya mulwanyi obe, izhihike obewa mwine namambo aaye, kwakubula kuyuka kyo wakonsha kuuba ne.

⁷² Pano kwikajika mwaana. Kintu kitanshi panyuma ya kufika mwaana, wikala ke mwaana, bino twatana kuuba mba byubilo byanji byo byakonsha kumwikajika bubwana, kana byubilo byajinga byawama nangwa ine.

⁷³ Kabiji ke ba—ba pentekosito... Pano lekai ne mumweshe anweba amba Pentekositi kechi bu dinominesheni ne. Baanga ba Baptist muno abo bajinga ba Baptist, abo batambula Mupashi Wazhila, tumone maboko enu. Mwamona? Baanga ba Methodist baji muno abo batambula Mupashi Wazhila, sutulaiko maboko enu. Baanga ba Nazarene muno batambwile Mupashi Wazhila? Sutulaiko maboko enu. Bapresbyterian, batambula Mupashi Wazhila. Mwamona? Lutheran. Madinominesheni akwabo, abo babujile kwikala kulubaji lwa ba Pentekositi ne, bino bajingatu ku dinominesheni ikwabo, batambula Mupashi Wazhila, twayai tumone maboko enu. Mwamona? Nanchi pano Pentekositi kechi ke dinominesheni ne, ke yakupitamo.

⁷⁴ Pano, Lesa wakatwehezhe mu Mubiji wa Kilishitu (Pano Aye ubaka?) panyuma yakushiniikisha obewa mwine, wizhihika obewa mwine na byubilo byawama, lukokelo ku Mupashi Wazhila, nangwa ntanda yambe ka.

⁷⁵ Amiwa—Amiwa nsakwikajika bingi nangovu, monai, mambo... Amiwa kechi natazha mu kuuba mba ngikale witota ne. Ami—Ami... nasashijila kechi—kechi—kechi kine ne, mwamona. Kechi mulanguluke mba Amiwa—Amiwa njina myendeleko. Ami—Amiwa kechi nakeba kwikala ne. Kisakamika amiwa, ke kusenda bantu ne kwibasapwila bubwe Bukine bwatumwa na-Lesa, kabiji baaluluka kubwela na kuuba kintutu kimo, ne kwaamba mba baji na Mupashi Wazhila. Akyo kijitu peepi kine na kukonauna obewa, mwamona. Lukatazho lweepi? Abo babwelatu ku kintu kimotu, kijitu pamo nobe

baana ba Isalela, abo bakebelenga mfumu pakuuba mba awe mfumu ebatangijilenga kabiji ne kwibalengela ke boobe nobe bena Amoli ne bena Amaleki ne Benafilisitiya.

⁷⁶ Bushe mwayuka mba, bainetu, kyatama kumwala masilaki? Mwikiyuka kyo nyi? Bushe mwayuka mba kyatama kuchiba mikule ya suki yenu? Bushe mwikiyuka mba kyatama, anweba, pakuuba mba mwatwajijila na kupepa kabiji ne kuuba byubilo byo muuba? Bushe mwayuka mba kyatama kwi anweba pakubula kwikala mulume wa panzubo, mukazhobe upelawizha kuzhingila ne kukupangila pangye ya kizhilo ne kwamba mba, “Ee, muchima wenu apeshiwe, mutemwe, Amiwa kabwela jibiji?” Bushe mwayuka mba anweba... Wakonsha kwikala byepi kalama wa ku Nzubo ya Lesa inge kechi wakonsha kulama nzubo yobe ne? Abyo kine ibyo. Mwayuka anweba, nyenga, amba balume benu kechi mulumetu yenka ne, pakuuba aye ye tangi obe? Lesa ye waambile byobyo. Mambo awa mulume kechi wajimbaikilwe ne, mwanamukazhi ye wajimbaikilwe. Kabiji anweba basapwishi mwatwajijilatu na kubika banabakazhi kwikala bakafunga ne basapwishi mu bipwilo byenu, byo twayuka mba Kyambo kya Lesa kyazhachisha kikye.

⁷⁷ Anweba mukatwajijilatu na kwingijisha joja jizhina “Taata, Mwaana ne Mupashi Wazhila” pa kubatizha, bino kasa kwabula nangwa Kinembelo kimo mu Baibolo ne. Amiwa nakeba akibishopu nangwa muntu mukwabo nkumweshwa ako muntu uji yense mu Baibolo wabatizhiwe mu jizhina ja “Taata, Mwaana, Mupashi Wazhila.” Amiwa nakeba muntu umo nkumweshwa muntu uji yense wabatizhilwe mu musango mukwabo kwakubula Jizhina ja Yesu. Bino bakwa Yoano kechi... babatizhilwe, abo babatizhilwe kasa baketekela mba Aye ukeya, bino kechi bayukile mba Yeng’anyi ne. Bino kimyetu kyo bayukile kyokyo, abo bayishile kubatizhiwa jibiji mu Jizhina ja Yesu Kilishitu. Nakeba muntu umo ku... Na—Naipwizhe ba Assemblies of God, ne basapwishi bakwabo, ba ki Baptist, Presbyterian, kabiji ne bintu byonse. Abo kechi—abo kechi bakonsha kwambapo pa kikye ne. Nasaka kumona Kinembelo.

⁷⁸ Kabiji nishi Amiwa ne “wabisela,” uu, nishi Amiwa na “konya,” kechi njibulongo mu milanguluko ne, Amiwa ne muntu “mukonye,” mambotu akuuba mba Amiwa mbena kweseka kwimubula Bukine? Bino, akyo—akyo kyakishika, balongo. Inge muntu wipanyisha kwi Lesa, wipanyisha ne kwikomona, bunoshi bonse, kabiji ne muyengo. Obe—obe—obe—obewa—obewa wiwapatulwako, obewa—obewa wikilengwa kypusanako.

⁷⁹ Bavula baitwa, bacheche basalululwa. Ee, bantu bavula baitwa, obewa watambula lwito mu muchima obe, “Ee, Naketekela Lesa watemwa. Amiwa naketekela Aye wikyuba.”

⁸⁰ Bino, mulongo, kyakuuba mba, obewa ukekala walubilamo nobe bonse bashala, mambo bakeya joja juba, ne kwaamba mba, “Nkambo, Napangilenga bademona mu Jizhina Jenu. Naubilenga bintu byonse mu Jizhina Jenu. Najinga napwijilo ya lubuko. Amiwa nasapwijilenga Mamboawama. Napangilenga bademona.”

⁸¹ Kabiji Yesu ukamba mba, “Fuma papo, kechi Nakuyuka ne, kafutufutu. Kanatu yewa uba kyaswa muchima wa Ba Taata!” Kika bantu kyo bakonsha kubula kwikimwena? Bino, Nayuka mba akyo kiko Zhang’ana. Kabiji Amiwa kechi—Amiwa kechi natazha mukuuba mba ne mukozhe ne, Amiwa kechi ne kitazha naye musango ne. Bino, mulongo, Ami—Ami . . .

⁸² Kyamweka kwi amiwa nobe tuji—tuji mu kimye kya kupelo, kabiji Lesa ubena kwalula bubaana, kwikajikwa mukifulo mu Kipwilo, mu Mubiji wa Kilishitu, Wanji. Pano, kechi kuji bavula Aye bo abikako ne, Amiwa nsakwimubula kyokyo mukutatwilapotu. Anweba mwamba mba, “Oo, kyawama, kukekala nambala ikatampe!” Bino Aye wajinga na myaka sikisi sauzande mwakwibafumya, ne abo. Vulukai, lusanguko lukeya kabiji tukashikulwa nabo pamo. Bino bachechetu ba mwiabo, mwamona. Palanguzhai lupulukilo lwenu, bukiji bukiji. Ikekete obe mwine umone kyatama. Mwamona? Monaitu—monaitu lukatazho lwepi. Amiwa nayuka mba—mba akyo kyakosa, bino, mulongo, ke kya Bukine. Ke Bukine bwa Lesa. Kwalulwabubana!

⁸³ Twafwainwa kwikala babena kutema mujilo wa Lesa, twafwainwa kuya mute ne bufuku. Kafwako nangwa kimo kyakwitukanya ne, kabiji twafwainwa kwikala bawama bingi ne balusekelo, kabiji balusa bingi ne bamukipasha kya-Kilishitu mu bumi bwetu. Kisenda bumi bwa pajuba pa juba. Yesu waambile mba “Monai kikwibu kya mubujimi, byo kikoma, kumanama ne kuzhinguluka; nangwa byonkabyo Nemwambila namba Solomoni buya bwanji bonse kechi bujipamo nobe akyo ne.” Solomoni wajinga na mikukumba yabikwamo tonge wawama kabiji wa nsonwa na nguya ne bintu bikwabo, bino abya—bino abya . . . abya Aye kechi byo aambilengapo ne. Pakuuba mba kikwibu kikome, kimanama mute ne bufuku. Kika kyo ukebela kubwela kuno kumpelo ya mulaini muचेche? Inge baoloka kyashupa kupuluka, pano ngamubi ukamweka kwepi, ao ke wabula kwitabila, kabiji ne babula bulesa, muntu umvwa Kyambo, wakana kwenda Monka . . . ? Pano kika kyo tusakuuba? Mwamona? Bino kyokyo . . .

⁸⁴ Akye kyo, pano, kino ke kipwilo kyetu. Tuji kape na foolo nangwa faivi benyi mukachi ketu. Bino akye ke kipwilo, Amiwa mbena kwimufunjisha. Akye kiya patepu. Amiwa nkeba bantu bateleka ku tepu, vulukai, akye ke ku kipwilo kyami. Pangye momwa mu bantu, tweseka kwikala bamushingi pa kwibabula byo byo, pakuuba mba twikale nabo kimye kyabaya nobe lukeke

mu milanguluko yabo ya mukaka. Pakuuba inge kyaiya mu kupana Bukine, twayai Twibupane.

⁸⁵ Kwalulwabubana, kwikajikwa mu kifulo! Kwepi kobaji? Mwashaiko kwepi kobaji. Lesa ubena kwita baana Banji ku lubaji lumo monka mukusololwa. Abo kechi baambapo kyambo kimo pa kikye ne, mumona kintu kimo kyamweka. Mukifulo kwikajika mwaana Wanji, kumubika mundonda na bintu bimo. Aye—aye ujitu na luusa lwabaya bingi, kyambo kyanji kijitu pamo nobe Malaika mukatampe, kyawama. Aye mwaana wikajikwa bwaana, ubikwa pa kifulo kyapeulo, waikala byobya, wapipula mikukumba, wapipula makaala anji. Bashanji bekala na kijilo, ne kwamba mba, “Awe ye mwanami, kufuma jaleelo aye ke kafinyala. Aye ke tangi. Aye uji ponse pa buswanyi bwami. Byonse byonji Nabyo ke byanji.” Abyo ibyo. Nanchi twakonsha kubwela ku kintu kimo, Elah, Elah, Elohimu, Elohimu, monai, ako ko Aji waikala-pabuke bwanji. Kabiji waiya kupita mwi Yehoba Ao walenga kintu kimo, Aye wapele muntu bunkambo pantanda. Kika kyo tubena kupembelela? Akwa kusololwa. Ntanda ibena kubiza. Twayai tufikepo ne kwikitanga. Kijitu bulongo.

...witutongwejile jimo...mba nkebalule ke baana bami...ami mwine, monka mwatokelwa Wanji muchima,

Mukuleta lutote...mukuleta lutotelo lwa kutota lukumo lwa bupe,...

⁸⁶ Bobuka bupe Bwanji? Kunyuma kasa akyangye, Aye kasa akyangye kwikala Taata; bupe Bwanji, butemwe Bwanji, bwamulengejile Aye mwine mwaana, amba twafwainwa kutongwelwa jimo kwalulwa ke baana, mukuleta lutotelo lwa bupe Bwanji. Mwamona?

...monka mwi aye wi tulengela kwikala baitabilwa mwi aye—mwi aye (Muntu) mutemwe, ao ye Kilishitu.

⁸⁷ Witwalula ke baitabilwa byepi? Monka mwi Aye. Tutwela byepi mwi Aye? Monka mu Mupashi umo, atweba bonse twabatizhiwa mwi Aye. Telekai.

Mwi aye mo muji bukuzhi bwetu, mo muji bukuzhi bwa (mu) mashi anji, lo lulekelo lwa mizhilulwila y-e-t-u...

⁸⁸ Mwakonsha kusapwila byepi kutongwelwa jimo, kwa kuyukila jimo kwa Lesa ne kwikajikwa, poso kwaikala mfuto ya mambo kuntu kumo? Kika kyo? Pajuba pajuba uba kilubo, pajuba pajuba uba kyatama. Bino inge wasemwa jibiji, mwanamulume nangwa mwanamukazhi, aku ubatu kilubo, Lesa wayuka mba wizhachisha pa kyokyo. Mwakonsha kwimana mu kyeenyi kya—kya Ndamakyalo Roosevelt nangwa muntu mukwabo, ne kwamba mba, “Amiwa nalubakanya, Lesa ndekelaiko mambo pa kikye kintu.” Kika? Kabiji apo popaji Mashi amfuto ya mambo...

⁸⁹ Inge mwamona mba “b-u-b-i.” Mubi ye mubi, aye kechi ulenga mambo ne. Pakuuba kipwilo kilenga mambo, kyuuba byatama, kikala na mulanguluko watama, ndangulukilo yatama, kikala naluzhinauko, bilubo nobe mwana wamuचेचे ubena kwenda, ubena kufunda bya kwenda. Aye kechi wakiyuka byakwenda bulongo ne, mambo aye ukiji nsongwalume muचेचे. Bino tuji na Kuboko kufika ne panshi. . . kwitutana ne kwitushikamika bulongo, ne kwamba mba, “Tapuka luntampulo *bibye* a-bye, mwaana.” Aye kechi witutola ne kwitwimba lupi inge twalenga kilubo ne, Aye kechi witupuma kufika ne kulufu mambo tubena kweseka kwenda ne. Aye witutemwa nobe byonka byo tutemwa baana betu.

⁹⁰ Mwine, mwine taata kechi wakonsha kupuma mwaana waji mambo ubena kweseka kwenda ne, inge waponena panshi. Umulondela panshi na kuboko kwakosa kabiji ne ku mushikula, maboko onse abiji amukwachijila, ne kwamba mba, “Abye byo wafwainwa kuuba, mwaana. Benda nobe *bibye*.”

⁹¹ Abyo Lesa byobyoby oba Kipwilo Kyanji! Ukunama panshi ne kumutola mu maboko Anji, umutola ne kwamba mba, “Endanga nobe *bibye*, mwaana. Apo, kechi—kechi—kechi kwikyamba byobyoby ne, kyambe nobe *Bibye*. Pano, Amiwa kechi natako muchima ku byaamba kipwilo ne, kika kyaamba *kikye*, kika kyaamba *kyokya*, obewa kyambe *Bibye*. Nobe *Bibye*, akye Ikyo! Inge Kyambo Kyami kyasapwila Kikye, obewa ikalatu Nakyo, enda Nakyo. Ikalatu Nakyo. Kechi uteko muchima byamba bantu bakwabo ne, ikalatu Nakyo. Endanga nobe *Bibye*. Aje joshinda ja kutailamo ntampulo.”

⁹² Bubi bwetu; butemwe bwa mfuto yamambo a bubi bwetu, inge ne kechi twakonsha kwikalako na lubaji ne. Byo twakonsha kwikalala baimana pa byobyoby Byambo!

. . . *mwaila bunoshi bwabupe bwanji;*

Mwi aye—aye mo etuvuzhizhe . . .

⁹³ Kyokika “kuvuzha”? Oo, ami! Mwi Aye mo *etuvuzhizhe*, “milumba ikatampe yakyo.”

. . . *aye mo etuvuzhizhe atweba na maana onse ne kutekaya konse;*

⁹⁴ “Kutekanya konse, maana onse Aye oetuvuzhizha atweba.” Na onse “maana,” kechi a muntanda ne. Maana a panopantanda ke bumbulwa maana kwi Aye, kabiji maana akwa Lesa ke bumbulwa maana ku ntanda. Kijitu pamo nobe mute ne bufuku, umo kechi wakonsha kuswa na mukwabo ne. Pakuuba juba inge jatatula kusama kabiji kimye kya mute kyafika, bufuku bupalang’enamo kufuma ku kifulo kimo kuya ku kikwabo. Kabiji umvwe Kyeya kya Mambo awama kyatatula kwiya, bintu byonse bya muntanda bitatula kuzhimang’ana. Kabiji kyubiwa byepi? Aye uvuzha Kyeya kyajuba pa baana Banji, kwenda mu Mupashi, batangijilwa na Mupashi wa Lesa, kuvuzha kwa bupe

Bwanji, na butekanye bonse ne na maana, kukwatakanya, kabiji ne bujimuku bwa kuyuka mwakwendela. Mwamona kyatama, nanchi ikalai batako muchima byo muuba, abyo anweba. . . Inge kyatama, ikalai batekanya byomufwenya kwipi. Butekanye! Ikalai pepi, kine mwashiniikisha mwakwishila pepi nakyo. Bamaana nobe muloolo, babula bulwanyi nobe nkunda. Abyo Yesu byo aambile.

⁹⁵ Oo, abye ke bintu byawama, balunda! Twakonsha kwikala pa juba pa juba. Kechi byawama nenyi? Butekanye, maana, Aye wibivuzha kwi atweba, kwibichilamo! Kechi kwitupa mujisho wayula ne, kana kutola fosholo mukatape kabiji ne kutwajijila na kwikitaya byokabya. Wituvuzhizha atweba, maana ne butekanye bwa bupe Bwanji! Oo, bupe bwakukumya, byo bumvwanika kuwama!

*Pano, mwi aye mo etuvuzhizhe atweba maana onse . . .
kutekanye konse;*

*Byo etusolwejile akya kyafyamika kya ku muchima
wanji, . . .*

⁹⁶ Ng'anyi Aye ye abena kwambako? Madinominesheni? Nasashijila, balongo bami, kechi mulanguluke mba mbena kubwezha panshi dinominesheni wenu ne, Amiwa kechi byo mbena kuuba ne. Amiwa mbena kweseka kwi mubuula mba kyajinga kintu kyatama kyakutatwilapotu. Yesu waambile mba, "Yainga mukasapwile Mambo awama," twaile na kulengamo madinominesheni. Ao oene mambo kyo twabujila Kyo, tubena kwenda mwaila maana a muntu. Inge Calvin wakonsha kusanguka!

⁹⁷ Kika, Naimene kechi kunyuma kwalepa ne ku kilende kya muntu wamunema, ng'ambi wakubwezha bintu mukatampe. Kabiji Nalangulukile mba, "Ing'anyi muntu wamunema wajinga yuwe!" Aye wajinga! Kyawama, kyaji. . . Amiwa kechi. . . Wajinga John Wesley. Kabiji Nalangulukile mba, "Inge John Wesley wakonsha kufuma mukikye kilende leelo kabiji wamona musango wa kipwilo kyanji, aye wakonsha kumvwa buvu na jizhina janji!" John Wesley wajinga muntu wa bulesa, watenenga mujilo, nobe aye byo ekitelele. John Wesley wajinga muntu wazhila waketekejiile mwi Lesa, kabiji waendele ntampulo pa ntampulo na kulondela panyuma Yanji. Panyuma ya kufwa John, baambile mba, "Atweba tulenge kipwilo kyakwa John pa kuuba mba twikale na kipwilo, kabiji twikitelele mba kipwilo kya Methodist mambo a musango wanji wa kutokeshiwa byo aji mwingilo wa bubiji wa bupe."

⁹⁸ Nanchi abo balengele kipwilo, kabiji leelo aba bantu ba kyokya kipwilo bakana byonsetu paimenejile John Wesley. John Wesley wasapwijile lubuko lwa Bulesa. John Wesley waketekejile mu lubatizhilo lwa Mupashi. John Wesley waketekejile mu byonse bya kubwezhiwa kwa bya bupe. John Wesley, Martin

Luther, bavula ba muboba banabalume bamunema baambile mujimi kabiji ne kulumbulula. Kabiji, leelo, inge wakonsha kwamba mujimi mu kipwilo kya Methodist nangwa kipwilo kya Benaluther, bakonsha kukulupulamo mu kibelo. Lukatazho lweepi? Monka mu kimye mo twafwainwa kwikajikanga baana, lukatazho lweepi? Abo batolejilemo kintu kingi, mambo kechi bayuka kyafyamika kya Lesa ne. Kabiji kechi bakonsha Kwikiyuka kupichila mu sukuulu ne!

⁹⁹ Lekai tange kintu kimo kwi anweba. Kijitu bulongo nyi? Kijitu bulongo. Twayai tuzhikulepo, Njina kintu kimo kyanembwa papo. Twayai tumone Paulo byo... Bino, uno, uno ke mufunjishi wa iye Mbila. Twayai tuye mu Byubilo 9:5, pa minetitu umo. Telekai kwi Paulo byo atambwile lulwe Lumwekesho, kika kyamwekele. Pano, mu Byubilo 9 twatatula kutanga, bibye. Jino ke jibumba ja sukuulu wa Pamulungu, nanchi kika kyakubujila—kika kyakubujila kwikitanga? Lekai ngyuke inge Amiwa nafumamo...?...

Aye Saulo, byo akipingilenga bipingo... (Oo, awa wamoona-walepuluka mucheche, uzhingila-bukiji, Muyudeya wajimuka!)... bya kwibepaya baana ba bwanga ba Nkambo, wayile ku ng'anga mukatampe,

Nakulomba makalata a kuya nao ku Damasakasa ku mashinagoga, amba kana nkatanako bamo...

¹⁰⁰ “Amiwa mbena kuya na kwibakeba! Inge Nakonsha kwibatana, mulongo, Amiwa byo nkoba kwi abo!” Mwamona? “Inge Nakonsha kwibatana!” Bino aye watongwejilwe jimo!

¹⁰¹ Mwayuka byepi amba awa kitomi uji kuno kechi watongwejilwe jimo ku Bumi ne? Mwayuka byepi amba awa kyendeende ye mwakonsha kubula ne kwamba nanji, mwayuka byepi amba akwa kwiimuna kucheche ne kumuteula kwiya ku kipwilo kechi kyakonsheka kumwalula ke wazhila wa Lesa ne, amwa mu Lukumo? Byo... Mwayuka byepi amba kechi byo aji ne? Akyo kyo twabula kuyuka. Bino awe ye mwingilo wetu. Kijitu pamo nobe funji wa masabi uta bukonde mukalunga ne kwibukoka, buleta babombwe, masabi, misobela, batangatanga ba mumeema, kabiji ne byonsetu, bino bimo byajinga masabi. Aye kechi wayukile ne, aye wateletu bukonde. Abyo byo tuuba. Talai Paulo.

... na kulomba makalata a kuya nao ku Damasakasa ku mashinagoga, amba inge wakonsha kutanako bamo baji mujije jishinda, nangwa banabalume nangwa banabakazhi, amba a kakwatepo bamo ne kwibaleta ku Yelusalema. (Mulongo, kine wajinga wakatazha!)

Kabiji byo akiyilenga, byo wafikile pepi ku Damasakasa: ponkapo kwamusamijile kyeya konsetu ko anji...

¹⁰² “Kwayishile ng’anga monka mu jishinda, Dokotala F. F. Jones, kabiji waambile kwi aye mba, ‘Obewa ubena ku—kukeba byakupita mu sukuulu, mwaana, kabiji Naketekela mba Lesa wakonsha ku kwingijisha.’” Bushe kikyeye Kinembelo kechi kyakonsha kyamweka-kutama nenyi, pa kwikitanga muyeoy musango? Pano, akyo kibena kumweka muji bingi maana... Amiwa kechi mbena kwikyambila tuseko ne. Kuuba mba, atweba, akyo mujitu pamo maana nobe byonka byo tuji nakyo leelo. “Mwayuka, bainobe bajinga mwanamukazhi wawama bingi, Naketekela obewa wakonsha kwikala musapwishi wawama.” Monai kyamwekele.

Kabiji byo—kabiji byo akiyilenga, wafikile kwipi ku Damasakasa: kabiji ponkapo kyeya kyamusamijile konse ko aji, kyeya... (Whew, kyatatula na kyakukumya!)... kyeya kya kufuma mwiulu:

Ne aye waponene panshi, kabiji aye waumvwine jiwi amba... Saulo, Saulo, kika kyo ubena kumanyikila?

Kabiji aye waambile mba, Yenu bang’anyi, Nkambo? Kabiji Nkambo waambile kwi aye mba, Amiwa Yesu ye ubena kumanyika: kabiji kyakosa obewa kupata kulu kobe ku miba.

Kabiji aye waumvwine moyo kabiji wajinga wakumya ne kwamba mba, Nkambo kika kyo mwakeba ami... ngube? Kabiji Nkambo wamwambijile mba, Imana ukatwele mu muzhi, kabiji kikakubulwa obewa kyo wafwainwa kuuba.

¹⁰³ Kabiji bantu bayilenga nanji, byo bayilenga, bataine muntu. Anyasa, konka kwa, wamwene kimwesho. Byonsetu byakukumya! Kabiji Saulo wakala, awa shetu wajimuka! Awe Anyasa wamwene kimwesho, wakeketele munzubo yanji. Aye wajinga ngauzhi, mu nzubo yanji kasa abena kulomba, kabiji wamwene kimwesho. Aye... Aye Nkambo waambile kwi aye kwamba mba, “Kuji mwanamulume ubena kwiya mu mukwakwa, wampofuka nobe kafifya, kabiji jizhina janji ke Saulo, aye Saulo mwina Tasusa.”

¹⁰⁴ Aye waambile mba, “Nkambo, Naumvwa bintu bikatampe bingi. Kechi muntumeko ne, Amiwa ne muntu mucheche. Kechi muntume kwi aye ne.”

¹⁰⁵ Aye waambile mba, “Pakuuba, talai, uji mujishinda nakwiya, Namumwesheshe kimwesho. Namumwekejile mu Mumbulungwa wa Mujilo. Amiwa na mupele bumpofu monka mo kyafwainwa kubilwa. Kabiji Namwalwile ke mpofu ne kumutabaula Ami kasa kyangye kufumyamo kintu mwi aye ne. Monai, Naonawile byonse bya kufunda kwanji bya mamboawama. Mwayukatu, aye wajinga—aye wajinga—aye wajinga mulongo mukatampe mu byoya bipwilo byajinga konkwa. Aye wajinga na misango yonse ya madingili, aye kechi

wakebelwenga kubikapo kintu ne, bino,” Aye waambile mba, “kyo Naubile ke kufumyamo byonse mwi aye.”

106 Akya kyo kyajinga kintu. Kechi kyajinga kya kubikamo bikwabo ne, kana kwibifumyamo byonse mwi aye. Naketekela mba alo lukatazho luji na basapwishi betu bavula leelo; kufumyamo mwi obewa, amo Lesa mo akonsha kubikamo Mupashi Wazhila. Kufumyamo! Pakyokyo, aye waambile mba wa . . .

107 Kabiji aye waambile mba, “Nkambo, bino awe—awe—awe muntu ke muntu wakatazha bingi.”

108 Aye waambile mba, “Bino, talai, aye ubena kulomba. Pano, ukaye nakupita mu mukwakwa umo kabiji ukafika ku nsulo. Ukapite payoya nsulo ku kipiko, kabiji ukaye kulutwe. Akwa kukekala nzubo itoka, ukaye na kukokosha ku kizhilo. Aye walalatu mu kibamba kya kikatampe, kufumatu kimye kyo bamutaine. Mubike maboko obe, ukamutwale ku mukola wa Damasakasa kabiji ukamubatizhe mu Jizhina ja Yesu. Mambo, Mbena ku kubuula Amiwa byo kooba, aye ukamanama bintu byavula na mambo a Ami, mambo aye ye muluwe Wami ku Bagentila.” Amena!

109 “Kyawama, pano, pembelako mineti umo, Nkambo! Pano, ng’anyi sukuulu ye Nakonsha kupana bukwasho?” Amiwa sakukubuula byo akooba, twayai tutange mu Galatiya pakuuba mba tuyuke. Ke kyalondelapo—kyalondelapo kyapitala panyuma. Twayai tumone Galatiya 1, ne kutatwila pa veeleshi wabu 10, kabiji tumone kana sukuulu ka Paulo koayile, ng’anyi sukuulu, kabiji maboko abang’anyi abikilwe pe aye, kabiji, oo, byonse byaubiwe. Galatiya kyapitala kyabu 1. Mambo a kimye, twayai tutatwile pa kwaluluka kwanji, veeleshi wabu 10.

Mambo nanchi pano Mbena kukajikizha bantu, nangwa Lesa? nangwa Mbena kukeba mba bantu ne batokeshe pa muchima nyi? kabiji inge Amiwa kikeba byonkabyo kutokesho pa michima ya bantu, inge kechi Amiwa ne kalume wa Kilishitu ne.

110 Oo, ami, ami, ami! Lekai Amiwa ng’ambepo kintu kimo kicheche akye kasa kikyangye kwambiwa. Galatiya 1, yai mu kyapitala kyabu 8. Baanga bayuka mba Paulo ye walengejile bantu kubatizhiwa jibiji mwi Yesu Mujizhina, Byubilo 19? Kine wikyubile. Twayai tusendeko pacheche papo, wabu 8—8 veeleshi.

. . . , nangwa atweba, nangwa malaika wafuma mwiulu, wasapwila mamboawama angi kwi anweba apusana na ao o twimusapwijile, a fingwe mafingo.

111 Kwepi ko mwakonsha kutambula ao Mamboawama, Paulo? Veeleshi wabu 9.

...naambila kala, mo monka mo Ng'ambila ne jikwabo, Namba inge muntu wasapwila mamboawama angi kwi anweba apusanako na ao o mwaumvwine, o mwatambwile, afingwe mafingo.

¹¹² Inge aye ye malaika mukatampe, inge aye ye bishopu, inge aye ye genulo ovasiya, inge aye ye Dokotala *Kananga-nekananga*, uji yense, inge kechi wakonsha kusapwila lubatizhilo lwa mumeema mu Jizhina ja Yesu Kilishitu ne, lubatizhilo lwa Mupashi Wazhila, wabula kusapwila kubwezha bya bupe ne, Kwiya kwa Kilishitu, byonse bye bintu, afingwe mafingo! Inge waeseka kutolapo Kyambo kimo papo kabiji waamba mba kyajinga kya mu juba jikwabo kabiji wikibika pa milanguluko ya katataka yo twafunjile ku sukuulu umo, afingwe mafingo!

¹¹³ Twayai tutange, mumone Paulo byo ekitambwile, monai, kyo Mbena kweseka kwamba kwi anweba lukeelo luno.

Mambo nanchi pano Mbena kukajikizha bantu, nangwa Lesa? nangwa Mbena kukikeba mba bantu ne batokeshe pa muchima nyi? kabiji inge Amiwa kikeba byonkabyo kutokeshwa pa michima ya bantu, inge kechi Amiwa ne kalume wa Kilishitu ne.

¹¹⁴ Mo mwepi mo Nakonsha kuketekelapo kiji kyonse, pano muntu watemwa Lesa, kabiji musapwishi, kukijishamo, wakonsha kuketekelwa kuubapo kiji kyonse nyi kanatu kukushikwa ku muntu? Bantu bakakushikwa. Kyawama, baambile mba... Yesu waambile mba, "Inge batela Amiwa, Nkambo yabo wa nzubo... Yami Nkambo, wakila pe anweba bonse. Amiwa Yami nakonsha kuuba byakukumya byavula kabiji ne kuuba byavula na Mupashi Wazhila kukila anweba bonse, mambo Amiwa njina kuyula konse mwi Ami. Kabiji inge Ami batela mba 'Belezebuba,' pano kukizhamo anweba bakemutela mbaka? Bino," waambile mba, "anweba kulangulukila jimo bya kwamba ne, mambo kechi kikekala anweba mukambangana ne, kikekala ke Taata uji mwi anweba, ye ukambangana pa kyokya kimye. Anweba ikalaitu na Kyambo." Kabiji Aye, byo Apwishishe kunemba Buuku, Waambile mba, "Muntu yense ukafumyako Kyambo kimo mu yuwe Buuku nangwa kubikapo kyambo kimo kwi Akyo, naye ukangatwamo mu Buuku wa Bumi, kyanji." Lesa tukwashai kwikala Nakyo bulongo!

¹¹⁵ Pano veeleshi walondelapo, lekai pano tange, kutanga bukiji bukiji.

Pakuuba Amiwa naamba..(Kokuuba mba, ku Kuzhachisha.) Amiwa nemubuula anweba, balongo, namba mamboawama o nasapwijile ami kechi aji a kubantu ne.

“Bino, Amiwa kechi ne waki Methodist, Baptist, Presbyterian, nangwa Pentekosito ne; kechi ajinga a kumuntu ne. Nangwatu. . .”

Mambo Amiwa kechi ne atambwile ku muntu ne, nangwa Kufunjishiwa ne, . . .

116 “Amiwa kechi ne atambwile kufuma ku muntu ne, kafwako sukuulu ne, kafwako dokotala ne, kafwako bulesa ne, kafwako sukuulu wakufunda ne. Amiwa kechi ne atambwile muye musango ne, Amiwa kechi ne afunjishe byobyo ne, Amiwa kechi ne ataine muye musango ne, kechi aishile kwi amiwa muye musango ne.” Nanchi aishile byepi, Paulo?

. . . kufunjishiwa ne, poso mu lumwekesho lo amwesheshe Yesu Kilishitu.

117 “Kimye Kilishitu kyo esolwele Ayemwine kwi amiwa, amba Aye ye Mwaana wakwa Lesa, kimye awa Mumbulungwa wa Mujilo byo aponene pe amiwa aja juba, Naambile mba, ‘Yenu Bang’anyi, Nkambo?’ Aye waambile mba, ‘Amiwa yami Yesu.’”

118 Pano, Amiwa mbena kwimumweshwa kya—kyamumwekejile aye. Pano, kino kimye inge mulongo wapichile mukintu kimo, abo bakeba kumupa myaka teni ya kufunda ki Giliki, kabiji myaka ikwabo teni ya kufunda kintu kikwabo, kabiji pa kyokya kimye nishi aye waya. Talai.

. . . nangwa kwi atambula ku muntu ne, nangwa Kufunjishiwa ne, poso mu lumwekesho lo amwesheshe Yesu Kilishitu.

Mambo anweba mwaumwine musango wa bwikalo bwami bwakala bwa bupopweshi bwa Bayudeya, . . .

119 “Amiwa najinga dokotala mukatampe, mulongo. Najinga nako.” Aye wafunjishiwe kwi Gamaliela, mufunjishi wakila ye bajinga nanji mu ntanda. Baanga bayuka mba Gamaliela wajinga umo mukatampe, mufunjishi mukatampe bingi? Ee, mwane. “Bupopweshi bwami bwa Bayudeya, mulongo, Najinga nabo; Nayukile byonse bya kwamba bya Bishinakata bya Batumwa ne byonse bye bintu, mwamona. Amiwa nayukile kwamba milombelo yonse ya lukeelo kabiji ne kupesha bantu.” Mwamona?

. . . byo nakijishemo nanchi Amiwa kwikipata kipwilo kya Lesa, ne kwikisalang’anya:

“Byo Naesekeshe kukanya aja jibumba ja booba kyongyo kyazhila!” Mwamona? Mwamona?

Kabiji Amiwa ne bakijile mu bupopweshi bwa Bayudeya. . .

120 “Amiwa najinga muntu mukatampe. Mulongo, Amiwa kine. . . Amiwa ne bakijile, Nebamwesheshe mba nakonsha kwi bonauna, mambo Naipaile Sepetena kabiji ne bintu bikwabo

byavula byo Naubile. Monai byo Naubile!” Byo akijishemo kwikipata kipwilo!

Amiwa nebakijile Bayudeya bakwetu bavula mu bupopweshi mo twaesakejile nabo mu mukoka wetu, byo naubishetu mukoyo wa kubisela bya bashakulu babo.

¹²¹ Pano, vulukai, kechi Kyambo kya Lesa ne, “bisela bya bashakulu babo,” kisho kya kipwilo, mung’ambilo ikwabo. “Amiwa naketekela Najinga Methodist wakilamo, Amiwa najinga Baptist wakilamo, Amiwa najinga Pentekosito wakilamo.” Oo, obewa wi? Amiwa nakeba kwikala Lesa wakilamo. Ee, byokiji. Mwamona? Kijitu bulongo.

. . . bisho bya bashakulu bami.

Pakuuba byo kya mutokejile ku muchima Lesa, . . . (oo, oo, Paulo, pano waiya) . . .yenka wampatwile munda mu bamaama, ye wandetele ami mu inontanda, ne kungita monka mu bupe bwanji,

Pa kumweshwa Mwaanaji mwi amiwa, . . .

¹²² Akyo kiji byepi? “Aye Mupashi Wazhila mwi amiwa! Kyamutokejile Lesa kutola ami, wampatwile munda mu bamaama, kabiji ne kupa Mwaana, ao ye Mupashi Wazhila mu musango wa Mupashi, mwi amiwa, kumweshwa Ayemwine mwi amiwa.” Oo, ami! Yii! Na—Na—Naketekela Nasaka kubijikako pacheche.

¹²³ Talai, leka kubuule, mulongo. Byo kyamutokejile Lesa pa muchima! Oo, aleluya! Byo kyamutokejile Lesa pa muchima! Bataata bakitomi. Bamaama . . . Lesa emupeshe, maama, Amiwa kechi mbena kwambapo kintu kiji kyonse pe anweba ne. Bino bamaama kechi bayukilepo nangwa kimo pe Lesa ne kukila kalulu byo ayukapo sapato ya mumashika. Kabiji bataata balalangatu mu mukwakwa na mambo akutoma. Kabiji kwakubula ne sapato yakuya nayo ku sukuulu, kabiji ne suki yalepa yafika ne mushingo, kabiji bantu bonse banshikilwe mambo Najinga mwina Kentucky muno mu Indiana. Kabiji byepi, oo, yajingatu mwenkelo yanuka. Pakuuba kyamutokejile Lesa pa muchima! Amena! Kyamutokejile Lesa pa muchima, Yenka wampatwile munda mu bamaama, amba Aye akamweshwa Mwaana Wanji mwi ami, mu kungalula ke wa mwingilo wa Kyambo, awo wakonsha kwikala bulongo Nakyo, ao wakonsha kumweshwa bimwesho ne biyukilo ne bya kukumya ne bya bulume. Kabiji, oo, ami!

¹²⁴ Monai Aye byo aambilengapo? Kyamutokejile Lesa ku muchima kuuba kyokyo! Byepi? Telekeshai bulongo. “Ku mwesh- . . .” Sendai veeleshi wabu 16.

Mu kumweshwa Mwaanaji mwi ami, amba Amiwa kumusapwile mu bangentila; ponkapo Amiwa kechi nakempwizhe kipwilo ne:

125 “Amiwa kechi nailepo kwi bishopu na kumwipuzha kyo Nakonsha kuuba ne. Amiwa kechi nayile ku mubiji wa nyama ne mashi ne, kabungwe kaji konse nangwa kintu kikwabo ne. Amiwa kechi najinga na kintu kimo kyakwingila nabo ne. Amiwa kechi na kempwizhepo mubiji wa nyama ne mashi ne. Kabiji Amiwa kechi nayilepo ku Yelusalema ku bonse bamapulisiti bakatampe bazhila kabiji ne taata bazhila ne, kabiji ne bonseba, ne kwamba mba, ‘Pano, mwayukatu, Najinga na kimwesho, Nakonsha kuuba byepi pa kikyee? Namwene Nkambo Yesu wapeshiwa mu kimwesho.’ Abo baambile mba, ‘Fuma papo, obewa! Kika. . .Obewa upanga kyongo kyazhila! Kyawama, kika kyamwekele kwi obewa?’ Ine, Najinga na madigili abo kya kutapilapotu. Kyajinga. . .”

126 Kabiji Paulo waambile papo, Nakonsha kwimumwesho mu Kinembelo, kyo aambile mba wibivulamine byonse byo afunjile, kabiji ne kwibimona mba ke byatu, pakuuba mba ayukilemo Kilishitu. Oo!

Kabiji Amiwa kechi nayile ku Yelusalema kuboba bajinga batumwa batanshi ne; pakuuba Amiwa nayile ku Alebya, kabiji nabwelele jikwabo ku Damasakasa.

Kabiji pakupitapo myaka isatu Nayile ku Yelusalema na kumona Petelo, kabiji naikele nanji moba fifitini.

127 Kabiji byo tubena kutanga, twatana kuuba mba aye ne Petelo mutumwa kechi bemwenepo kala mu bumi ne, kechi beyukile umo ne mukwabo ne, kechi bemwenepo umo ne mukwabo ne, pakuuba byo baishile pamo basapwijienga Mamboawama amo. Lesa uji na sukuulu. Mwamona? Ee!

128 Awe ke Petelo, waimene pa Juba ja Pentekositi, waambile mba, “Lapilai, anweba bonse, ne kubatizhiwa mu Jizhina ja Yesu Kilishitu, mululekelo lwa mambo enu, mukatambula wabupetu Mupashi Wazhila.”

129 Filipai waambile mba, “Oo, akye kyaikala kyawama byepi! Nafwainwa kuubapo kintu kimo ne ami. Konka ku. . . Natambula lwito lwa kuya ku Samaliya.” Naile konka kabiji nasapwijienga mu mukwakwa. Kintu kitanshi, muntu wakolwa waishile, wabikile maboko pe aye, kabiji watatwile kukilauka ne kusukuta. Waambile mba, “Lukumo lwikale kwi Lesa, tuji pano!” Watatwile kwikala na mbung’eno ikatampe. Aye waambile mba, “Anweba bonse mubena kukeba Mupashi Wazhila.” Aye waambile mba, “Kyo mwafwainwa kuuba, mwafwainwa kubatizhiwa mu Jizhina ja Yesu.” Nanchi wibatwajile, bonse, konka kwa ne kwibatatizha mwi Yesu mu Jizhina. Waambile mba, “Ukeye kuno, Petelo, ukabike maboko obe pe abo.” Kabiji batambwile Mupashi Wazhila.

Petelo, konka ku nzubo yakwa Koneleusa, mujishindatu jimo.

¹³⁰ Paulo kechi wamumwenepo kala ne nangwa kumumvwapo kintu kimo pe aye ne. Pakuuba wapichile kunundu ya Efisesa, kabiji wataineko bamo banababwanga. Aye wataineko musapwishi waku Baptist, wajinga, Apolosa, ng'ambi waalulukile, wajimuka, wamaana, nakutola Lulayang'ano Lwakala ne kushiniikisha Naalo amba Yesu wajinga Mwaana wa Lesa. Ee, mwane, wajinga muntu wajimuka. Kabiji babijikilenga, bajinga bingi na lusekelo. Aye Baibolo byo byo aamba. Tangai kyapitala kyabu 18 ne 19 kya Byubilo mumone kana akyo kechi byokiji ne. Bajinga bingi na lusekelo, bazhilenga mu Mupashi, ne kunyema na kuzhokoloka, mwayukatu. Paulo waambile mba, “Bino mwatambwile Mupashi Wazhila kufuma kimye kyo mwaitabijile nyi?”

¹³¹ Kabiji ne anweba balongo ba Baptist mweseka kukajikizha pa mashingo a bantu, bino mu Kigiliki kya aamba mba, “Bushe mwatambwile Mupashi Wazhila kufuma kimye, nangwa *po* mwaitabijile nyi?” Amiwa ne mukambizha anweba kundetela wa Kigiliki! Amiwa njina wami wa Kigiliki. Amiwa njina ne na wa Alamiki, kabiji ne wa Kihebelu naji. Umo wa mwiabo waamba mba, “Mwatambwile Mupashi Wazhila *kufuma* po mwaitabijile nyi?”

¹³² “Koka kulwitabilo ko wapulukila,” alo lo lwitabilo lobe mwi Lesa. Aa Mashi akulama obewa kufuma ku ubi, mambo alenga kitapisho. Aa Mashi kechi a kupulusha obewa ne, Mashi akulama watoka. Anweba mwapuluka byepi? “Konka kulwitabilo ko mwapulukila,” kabiji neakyo ke kuyukila jimo kwa Lesa, pa kukwita obewa. Obewa wapuluka, kabiji Mashi alenga mfuto yamambo, kimye kyonse kulamwa kasa watoka. Kabiji pano konka ku Mupashi umu anweba bonse mwabatizhiwa mu Mupashi Wazhila, mulumvwang'ano lwa bupopweshi bwa baitabila, kabiji ne kwikala muluvwang'ano lwa bupopweshi bwa Mupashi Wazhila, mukutangijilwa ku Mupashi, kuuba biyukilo, ne byakukumya.

¹³³ Mpembelelaiko, kibena kwiya, kupembelelako kintu kimo, mu kimye kichechetu tusakwikitambula, naketekela mba tusakuuba nangwa byonkabyo. Amiwa najikwimubula mba mungite pa kino kimye, kechi ibyo nenyi? Kyamwekatu nobe Najikwikimona. Ke kya—kyambo kimo nangwa bibiji. Kiji... Kya—kyakilapo pacheche.

¹³⁴ Alwe lupulukilo lukataya bimye binga, bimye binga? Musangoka walupulukilo lwee? Kufuma ku kipwilo kuya ku kipwilo? Kufuma... Twayai tuye ku Bahebelu 9:11, pa mineti umotu, pakuuba—pakuuba mba tumone bimye binga, pa mamineti achechetu. Zhikulai mu Buuku wa Bahebelu kabiji twayai—twayai tumone alwe lupulukilo lukekala bimye binga. Monai musango ka wa lupulukilo byo luji. Twayai tutange Bahebelu 9:11.

Kabiji Kilishitu byo amwekele ng'anga mukatampe wa bintu byawama bikeya, wapichile mu tente wakila bukata ne mu kulumbuluka, kechi walengwa na maboko ne, ko kuuba mba, . . . (Pano awe ke mufunjishi umo, Paulo, mwamona). . . kechi wa kishimikwa . . . wa kikye kishimikwa ne;

Kechi na mashi a bambuzhi nangwa twana twa bang'ombe, poso na mashi anji mwine aye wakatwelele jimo jonka kikupu (Bimye binga? Jimo jonka!) monka mwazhijila, byo etumwenejile. . . (lupulukilo lwa mulungu umo, lupulukilo lwa kufika ku kusangulwawa kukwabo? Lwa musangoka?) . . . bukuzhi bwa peenape.

¹³⁵ Nga kyambo kya “Peenape” kyalumbululaka? Mwi Kilishitu, panyuma ya Kwitabila. . . Kafwako muntu wakonsha kutela Yesu mba, “Kilishitu,” kanatu konka ku Mupashi Wazhila. Onkao mambo kuji misango ya bantu basatu: babula lwitabilo, bakitabila-mbijinga, kabiji ne baitabila. Pakuuba aba baitabila lwa kuya ku Bumi bwa Peenape, batwela mu mabaza.

¹³⁶ Tolai tabbanako wakala, kintu kitanshi kyo baubile kyajinga kika? Batwelele mu bipango, Bangentila. Kyalondejilepo kyajinga kyakusokelapo bitapisho kya lubemba, po baomvwanga kitapisho pa muchiba wa golonde. Kyalondejilepo ke kwipaya kwa kitapisho, kabiji ne kusansa mashi pa kyakusokelapo bitasho. Pano, jimo pa mwaka, Alona washingwa manyi, oo, (naka?) na kanukufyu ka Lozi wa ku Shaloni, na manyi awamisha ajingamo kanukufyu, be etulwijile pa mutwe wanji, apompolokele kufika ne kumufuko wa siketi wanji. Talai yuwe muntu byo atwelele kunyuma ya bipembe, jimo pa mwaka, kasa asenda mashi a ku Jitanda ja Kufuchilapo mambo. Kabiji aye watolele mukombo wanji mu mwaka umo ne kumulubako. Byo bamubwelejile, wasapukile ne kupanga bipangwa. Mukombo wakala waikela myaka foote mungye, wabikwa momwa mu Kifulo Kyazhila! Monai, kimye kyo batolele mashi a lulayang'ano, mashi, wajinga washingwa manyi. Kabiji wajinga na bimvwalo pajinga mabbelu acheche, pomongulechi ne belu. Kabiji awa muntu waendelenga mu musango wakuuba inge waendesha kulu kwanji, kabiji waenda nobe *bibye* ne kutampuka lutampulo lwanji, byavuminenga mba “Wazhila, wazhila, wazhila, kwi Yehoba. Wazhila, wazhila, wazhila, kwi Yehoba. Wazhila, wazhila, wazhila, kwi Yehoba.” Oo, ami!

¹³⁷ Kika kyo Mbena kwambapo? Kyumvwai Kye, Branham Tabernacle! Anweba mwajinga na kimye kyenu. Inge muntu washingwa manyi na Mupashi Wazhila, pakuuba mba alulwe ke mwaana mu kisemi kya Lesa, mu kwikajikwa mu kifulo kwi Bashanji, kabiji wabikwa mu mwingilo mumwe, mwayila kwikelako kwa bumi bwanji, nangwa kintu kine kyo amwichila

Lesa, kwenda kwanji kwafwainwa kwikala “Wazhila, wazhila, wazhila, kwi Nkambo. Wazhila, wazhila, wazhila!”

“Oo, obewa wafwainwa kuchipukila ku *lulwe* lubaji ne kwikala. . .”

“Wazhila, wazhila, wazhila, kwi Nkambo.”

“Oo, obewa wafwainwa kwitaba byonse byaambile mukulumpe, *akye*.”

¹³⁸ Bino, “Wazhila, wazhila, wazhila, kwi Nkambo.” Lekai Kyambo Kyanji kikale kitanshi, lekai Kikale bintu byonse bijiko, kitwele, ne kwikala mu muchima obe! Kwenda kobe kwafwainwa kwikala kwa mu Kyambo. “Wazhila, wazhila, wazhila, kwi Nkambo.”

¹³⁹ “Oo, inge wakonsha kwiya kuno! Amiwa nsakukubuula kyo tusakuba, tusakwaluka ke kabungwe, obewa kukubika mu kabungwe, ukekala muntu wayukanyikwa.”

¹⁴⁰ “Wazhila, wazhila, wazhila, kwi Nkambo. Wazhila, wazhila, wazhila, kwi Nkambo,” kwenda kuya kulutwe, kechi kiletapo lupusano ne nakyakonsha kwamba muntu uji yense ne, wakonsha kutela ao matepu.

¹⁴¹ “Uba *bibye*, uba *bibye*, uba *kyokya*, uba *kyokya*, ne *bikwabo*.”

¹⁴² “Wazhila, wazhila, wazhila, kwi Nkambo.” Uji na meso obe atala ku Kalvali, kabiji kafwako nangwa kimo kyakonsha kukukanya ne! Kwenda konka kwa bumi bobbe, ubena kwenda kuya mu Mukwakwa wa Mfumu, washingwa na kushingwa kwa Manyi awama, kasa abena kwenda kuya Mwazhijisha. Yii! Amena. Kijitu bulongo.

¹⁴³ Paulo waambile mba kechi watambwile Kikye kufuma ku muntu ne. Pano kika kyo abena kwamba, tubwele ku Galatiya, kulufunjisho lwetu? “Byo etusolwejile akya kyafyamika kya ku muchima Wanji.” Kya kumuchima Wanji kyo kika? “Witusolwejile byafyamika bya kumuchima Wanji.” Anweba mubena kunemba, veeleshi wabu 9. Pano Amiwa nsakupelawizhako bukiji bukiji ne kupwisha kikye, mambo twakelwa.

¹⁴⁴ Oo, Kyambo kyonse kiji ke...?...Oo, Kyambo kyonse kyawama. Wakonsha kwi Kitola kabiji watwajijila na Kwikiwamisha. Obewa wakonsha kupoya, Nakonsha... Wakonsha kutola kimo kya byobya Byambo kufuma kokwa, wikitwala mu Ntendekelo ne kwikiwamisha, wikitwala mu Kulupuka ne kwikiwamisha jibiji, mwakonsha kwikitwala ku Benalevi ne kwikiwamisha jibiji, kabiji, kimye kyowakonsha kufika ku Lumwekesho, Kyonsetu ke Yesu! Amena. Obewa wakonsha kwikiwamisha monka mo ukebela, kikekala ke Yesu byo ukafika—byo ukafika mu Lumwekesho. Mambo, Aye waambile mba, “Amiwa Yami iye Wajingako, Ao Ujiko, kabiji Ye Ukeya. Amiwa ne Muzhazhi ne Kisaka kya Davida, Ntaanda

Wakumakya. Amiwa ne Alufa, Omenga.” Kokuuba mba A ne Z mwaila bisopelo bya Kingiliki. “Amiwa nafuma ku A kufika ne ku Z. AMIWA NJIPO! Amiwa ne Byonse-mu-byonse.” Abyo ibyo. “Amiwa yami Iye wajinga mumi kabiji wafwile, kabiji waikala na bumi myaka yonse. Amiwa nji na bakii balufu ne bakalunga kabafu.” Oo, ami! Kyonse kyawama kyo watola muno utatule kwikiwamisha, kikawama kufika ne mwi Yesu.

¹⁴⁵ Bino, palutwetu pacheche nanchi tusa—tusa—tusa—tusa, tusakuleka. Ee. Kika kyo tubena kupembelela, nanchi? Kika anweba kyo mwaikela muno mumbung’eno? Ene mambo akwikyubila aaka? Kika ntanda kyo ibena kubizhila? Kika mbomba wa atomiki kyo akobamina kokwa, kika kyo kwaikela mamolekyu ne ma atomu? Kabiji, oo, byonse byabyepi?

¹⁴⁶ Zhikulai, Loma wabu 8, pa mineti umo. Kika kyo kibena kupembelela? Byonse bye bibena kupembelelaka? Kyo kimye ka? Loma, kyapitala kyabu 8, kabiji twayai tutatwile na kutanga pa kikyee, oo, Nakonsha kwamba mba eiti- . . . Twayai tutatwile kape nobe pa naini- . . . veeleshi wabu 19, kabiji—kabiji tangai papo pakuuba—pakuuba mba kikale kyawaina. Abyo ibyo. Nayuka ko mubena kuya. Kijitu bulongo. Loma, kyapitala kyabu 8, Naketekela mba Amiwa njitu bulongo pakino kino. Ee, mwane. Kyapitala kyabu 8, kabiji twayai tutatwile papo nobe pa veeleshi wabu 18. Twayai tutatwile pa veeleshi wa 14.

Mambo bonse mo bavujila bo batangijila ku Mupashi wakwa Lesa, abo . . . baana bakwa Lesa. (Abyo ibyo.)

Mambo anweba kechi mwatambula mupashi wa buzha amba mwikale bamoyo ne; . . .

¹⁴⁷ “Oo, nakumya kana Amiwa nakonsha kutwajijila. Oooo, inge Nakonsha kutwajijila pakino kimye!” Kutwajijila patutu! Kechi kiji kyakuuba mba Amiwa twajijile ne, kana Aye wakonsha kutwajijila. Amiwa nji mwi Aye kino kimye, mwamona.

¹⁴⁸ Kyawama, mwaamba mba, “Kyawama, inge Amiwa nji mwi Aye!” Pano anweba—anweba ba Presbyterian mwamba mba, “Aa, atweba kimye kyonse twajinga baketekela Kyokyo.” Pakuuba bumi bobee bushiniikisha amba kechi byo uji ne, poso waenda musango wa bumi Aye bo aendelepo, anweba mwaketekela Mamboawama amo onka Aye o asapwijilepo.

¹⁴⁹ Mwaamba mba, “Aa,” ba Baptist baamba mba, “kine, Naketekela mu bukikizhi bwa Peenape.” Mwalupuka muno kabiji ke kupepa fwaka ne kuya kumazha, kabiji banabakazhi batenda suki yabo, kupeta bilungi byabo ne kuuba byubilo nobe Ami-kechi-nayuka-kintu kine ne? Bipangwa byenu bimweshwa mba anweba kechi mwi Kitabila ne.

Inge Naamba mba, “Bushe waketekela mu lubuko lwa Bulesa nyi?”

“Oo, Dokotala Jones waambile mba kyajinga *byobyoy*, aa ajinga mu moba akunyuma.”

¹⁵⁰ Pano, obewa kafutufutu! Kika kyashupa kwi obewa? Obewa kamulanda mwaana wabujimbijimbi. Obewa uji kwalepa bingi ku Mamboawama ke kyabulanda. Obewa watwalwa mungi mu mukwakwa wamachipa ubena kuya ku kishala kibena kupya. Anweba kechi mubena kumona papo Aye byo aambile? Amba, mupashi yense ushimuna mba Yesu kechi waiya mu mubiji ne, ke mupashi ungi. Aye Baibolo waamba mba Yesu Kilishitu ujitu pamo keesha, leelo, ne myaka yonse. Abya Aye byo aambile pak yokya kimye, Aye ne pakino kimye, Aye ye wayewa musango kimye kyonse. Telekaitu.

Mambo anweba kechi mwatambula mupashi wa buzha amba mube moyo ne; pakuuba mwatambula Mupashi wa b-... [Kipwilo kyaamba mba, “Wa bwaana.”—Waku.]

¹⁵¹ Pano, panyuma ya kwalulwabubana, kijitu bulongo, panyuma ya kwalulwabubana. Obewa wikajikwa, popo umvwisha bulongo, panyuma ya kijilo kyaambiwa kabiji wabikwa mu Mubiji mujishinda jaitabilwa. Obewa wi mwaana, kine, mwana wamukazhi, inge obewa wasemwa jibiji nishi uji byobyoy, ako ko kusemwa kobe. Pano bino obewa waikajikwa mukifulo.

Kechi twatambula mupashi wa...moyo ne; pakuuba atweba twatambula Mupashi—atweba twatambula Mupashi wa bwaana, mo motutachila mba, Abba, Taata. (Akyo kyalumbulula mba, “Lesa wami.” Kijitu bulongo.)

Aye mwine Mupashi ushimuna pamo na mipashi yetu, amba twi—twi baana ba Lesa:

¹⁵² Kyubiwa byepi? Anweba mwamba mba, “Lukumo lwikale kwi Lesa! Aleluya! Kechi nkisakamikapo ne, Amiwa ne mwaana wakwa Lesa,” kabiji waya ne kuuba bintu byo uba? Aye Mupashi wakwa Lesa ukengila mingilo yakwa Lesa.

¹⁵³ Yesu waambile mba, “Aye wangitabila Amiwa, mingilo yonguba Amiwa ne anweba mukeyuba.” Mwamona? Mwamona?

¹⁵⁴ Inge—inge—inge—inge awe musapi wasapuka kwamena kizaza kya magelepu, kabiji mukwabo wasapuka kwamena myungu, pajipo kintu kyatama. Mwamona? Ke kipwilo kyakusomekamo, ke musapi wasomekwamo, ke muntu wasomekwamo. Inge muntu uji na dinominesheni, waikala ku lubaji lwa dinominesheni kabiji ne kwitela aye mwine amba Mwinakilishitu, kabiji kechi uji na Mupashi Wazhila ne kabiji uji na Bulume bwa kwa Lesa ne byonse bye bintu. . .

¹⁵⁵ Pano, inge obewa waya kuntu kumo ne kuuba byubilo nobe jibumba ja baabo batoma, mambotu akuuba mba waambile

mujimi. Namona bademona kwamba na jimi. Ee, mwane. Amiwa ne bamonapo kuzha mu mupashi, ne kubijika ne kafulolo ku kanwa, kabiji ne bintu byonse bikwabo, ne byonse bya. Amiwa namona kyokyo. Amiwa... Amiwa kechi mbena kwamba pa kyokyo ne. Amiwa mbena kwamba pa Mupashi wakwa Lesa.

Aye Mupashi mwine ushimuna pamo na mipashi yetu, amba atweba twi... baana ba Lesa:

Kabiji inge twi baana, baswany; baswany ba Lesa,... bakuswana-pamo ne Kilishitu; inge kyakuba mba... twamanama nanji pamo, amba atweba... twatumbijikwa nanji pamo.

Mambo Nayuka namba bya kumanama...

156 Pano telekai ku kikye. Oo, inge akye kechi kyawama ne!

Mambo Nalanguluka namba bya kumanama bya kino kimye kya pano kechi kyafwainwa kwibyesakanya na lukumo lukamweeshiwa mwi atweba—mwi atweba ne.

Mambo bilengwa byonse bibena kutengela...

157 Apo kyatelwa mba, njina kicheche—njina kicheche kyambo papo, kyalumbululwa ku tangilo ya kusa, “bilengwa” kijitu bulongo, mu Kingiliki.

...bilengwa byonse bibena kutengela, bilengwa bibena kupembelela kasa bizanza meso kusololwa kwa baana ba Lesa.

158 Bintu byonse bibena kupembelelaka? Bilengwa byonse bibena kupembelelaka? Kusololwa kwa baana ba Lesa. Kibena kupembelela Kipwilo kwikala mu kifulo Kyankyo. Wajinga mwaana wa Lesa ng’anyi, kimye Adama, bumfumu bwanji bwajinga kwepi? Pantanda. Aye, wajinga na bufumu pantanda. Abyo ibyo nyi? Aye kechi wajinga Elah, Elah, Elohimu pa kyokya kimye; Aye wajinga Yehoba. Mwamona? Kokuuba mba, “Amiwa ne Lesa, kabiji Amiwa nalenga bamo bacheche mushi mwi Ami. Kabiji Amiwa nebapa bunkambo. Kabiji mu bufumu bwabo, abwa bunkambo bo bajinga nabo, ke panopantanda.” Muntu wajinga mu bunkambo panopantanda. Kabiji bilengwa byonse bibena kupembelela baana ba kwa Lesa kusololwa. Oo!

*Tubena kutengela kwiya kwa joja juba jawama
ja Myaka kiumbi kimo,
Kimye Nkambo wapeshiwa kyo akeya
na kulonda Musongwa Wanji ubena
kupembelela uji kwalepa;
Oo, ntanda ibena kubiza, na kujijila joja juba
jawama ja kukasuluka,
Kimye Mupulushi wetu byo akabwela
pantanda jibiji.*

159 Abyo ibyo nyi? Kupembelela. Lesa ubena kweseka kwikajika Kipwilo Kyanji mu kifulo kyakyo, mu kwimwesa Aye mwine,

na kutolapo umo Ye akonsha kwingijilamo bibye, kwaamba mba, “Kuji Mupashi Wami ubena kupita na kukasuluka. Abyo Byokiji. Akyo, akyo, Na—Nakonsha kwingila.” Apo, watola mukwabo kukwe ne kumwikajika, “Nakonsha kumwikajika.” Kwalulwabubana, kwikajika, kwimweshwa, ne kumufumya kukwe kabiji ne kubika kijilo kyanji, ne kumupepula na Malaika, kumubuula kintu kimo. Pano, inge aye waamba bukine! Pano inge ubena kulengatu kintu kimo, kechi kyakonsha kwingila ne. Ine, ine, akyo—akyo kechi kyakonsheka kwingila ne, twaikala na byavula bingi bya yeo musango. Bino Natazha—bino Natazha mukuuba mba kusololwa kwa baana ba Lesa, kimye Lesa kyo akemweshwa Aye mwine kabiji Aye ukamutuma kuya. Kabiji pano aye uya kulutwe, kabiji wambatu bya Bukine. Ne byo ooba ke bya Bukine. Byo ooba, aye umweshwa Kilishitu. Mwakonsha kumupingula byepi? Monka mo ekela na Kyambo, kwikala bulongo na Kyambo. Monai, amo imo mo mwakonsha kuyukila muntu, ke monka moekela na Kyambo. “Inge baamba mwabula kuyila Kyambo, kechi mujipo Bumi mwi abo ne,” byo byaamba Baibolo. Mwamona? Balekai bunke bwabo.

¹⁶⁰ Pano twayai tutange, nanchi atweba—atweba twafwainwa kuleka, mambo kimye kyetu kibena kupwa. Kijitu bulongo, mu veeleshi wabu 10, nangwa veeleshi wabu 9, byonkabyo.

Byo etusolwejile akyo kyafyamika kya ku muchima wangi, (kwitwalula baana) monka mwayila akyo kyamutokela ku muchima kyo afukwijile jimo mwi aye mwine:

¹⁶¹ Aye wafukwijile jimo Aye mwine, kintendekesho kya inontanda kasa kikyanye kulengwa. Baanga bekyumvwa kye? Mwamona?

Amba mu kimye. . .

¹⁶² Oo, ami, pano twaiya ne jikwabo! Uu! Oo, twayai—twayai—twayai tupitepo, mwamona.

. . .ponka pakufikila kimye. . .

¹⁶³ Anweba mwaketekela mu kufikila kwa bimye? Baibolo waamba mba, “Mu kimye kyakufikila kwa kimye.” Nanchi kufikila kwa kimye kyokika? Kwajinga kufikila kwa kimye kya, kyawama, kwajinga kufikila kwa kimye kya Muzhilo wa kwa Mosesa. Kwajinga kufikila kwa kimye kya—kya—kya Yoano Mubatishi. Kwajinga kufikila kwa kimye kya kwa Kilishitu. Kwajinga kufikila kwa bimye bya lunengezho lwa bipwilo. Kwajinga kufikila kwa kimye kya kwitulwilwa kwa Mupashi Wazhila. Pano ke kufikila kwa kimye kya kwalulwabubana, akyo ntanda kyo ibena kupembelela, kasa kibiza. “Kabiji kufikila kwa kimye inge kwafika, inge kufikila kwa bimye byatongolwa kwafika,” kufikila kwa bimye byatongolwa kyo kika? Kimye bafwa po bakasanguka kimye misongo po ikapwa, kimye ba. . .

kimye ntanda yonse po ikaleka kubiza. “Kufikila kwa bimye byatongolwa.” Monai kikye.

Kimye *kyakufikila kwa bimye byatongolwa aye ukakonkenya bintu byonse mwi Kilishitu, . . .*

164 Anweba kechi mwasekela ne? Mujishindaka Aye jo akeyyubilamo? Ukabungizha pamo bintu byonse mwi Ng’anyi? [Kipwilo kyaamba mba, “Kilishitu.”—Waku.] Mutwelamo byepi mwi Kilishitu? [“Konka ku Mupashi umo.”] Konka ku Mupashi umo atweba bonse kotwabatizhiwa [“mu Mubiji umo”] mu Mubiji umo. Kabiji awa Mubiji ke Mubiji Wabang’anyi? [“wakwa Kilishitu.”] Wazhachilwe kala. Aye wasendele luzhachisho lwetu. Pano yetu bang’anyi? “Inge Namona [“Mashi.”] Mashi, Amiwa kakupitaila.” Kimye kyonse Aye kyo atala pa Mubiji, kasa Aikala pyobya, wauba mashi. Amiwa nji mukachi mung’anyi musango? Aye Mupashi Wazhila. Aye upitailatu. Oo, ami!

Kabiji umvwe kufikila kwa bimye byatongolwa byafika, amba *ukebikonkenya pamo . . . bintu byonse mwi Kilishitu, ne biji mwiulu, . . .*

165 Pano inge mubena kukeba kwamba pa jizhina, tusakutatulatu ponka pano pa kakimye kacheche. Kisemi kyonse kiji Mwiulu kyatelwa mba ka? [Kipwilo kyaamba mba, “Yesu Kilishitu.”—Waku.] Kisemi kyonse panopantanda kyatelwa mba ka? [“Yesu Kilishitu.”]

166 Muji banabakazhi baji bingi bulongo muno, bawama, babunoshi, bainetu benebene, bainetu. Muji umo Mrs. Branham, Mrs. William Branham, ke bakazhi bami. Aye uya ku nzubo pamo ne amiwa. Monai, anweba mwashala muya na balume benu.

167 Kuji Kipwilo kimo kyumi kikatampe kya Lesa mumi, Akyo kitelwa na Jizhina Janji, Kyayulwa na Mupashi Wanji. Abyo ibyo. Amiwa kechi naamba mba . . .

168 Amiwa kechi nabhachishapo mingilo yawama ne, Amiwa kechi nabhachishapo bipatela byabo ne bintu byawama byo booba ne. Amiwa nalanguluka mba abyoyawama, kabiji ke mapesho akwa Lesa ku balanda, ne mutundu wa muntu ubena kumanama. Amiwa kechi mbena kuzhachisha byonse bye bintu bikwabo byo babena kuuba ne. Kyawama, abyoyajitu bulongo. Kabiji bipamo byabo bikatampe ne mamilyoni madola, Amiwa kine kyangwamina kumona kyokyo kukila kumona kyakolwa waikala pa koono, kimye kiji kyonse. Amiwa kine nebapa musingi nobe bamwingilo bemana mu pulupiti.

169 Pakuuba byo kikafika kimye kya kubungizhiwa pamo ku mpelo ya kufikila kwa kimye, kukekala kupembelela kusoloka kwa baana ba Lesa, mu kimye kya kufiki- . . . amba Aye akapwizhe bintu byonse pamo, byonse byaletwa mwi Kilishitu. Yeng’anyi Kilishitu? Baanga . . . Tutwela byepi mwi Aye? Mutanshi Kolinda 12, “Monka mu Mupashi umo atweba

bonse twabatizhiwa mu Mubiji umo,” ao ye Mubiji wa Kilishitu, kabiji baubilwe ke bakutambulako kya bupe kiji kyonse ne kintu kyonse kyawama kyo Aji nakyo. Abyo ibyo nyi? “Kabiji ntanda yonse ibena kubiza, kujila, na kupembelela kusololwa kwa Kilishitu ne Kipwilo Kyanji po bakanungakana pamo.”

Aba . . . kimye kyakufikila kwa bimye byatongolwa . . . ukakokenya bintu byonse pamo . . . mwi Kilishitu, ne byobya biji mwiulu, ne biji pantanda; kabiji ne mwi aye: . . . pantanda; monka mwi aye:

Mwi aye . . . mo motwamwena buswanyi bwetu, . . .

¹⁷⁰ Oo, Mulongo Neville, ndekelaiko mambo pa kutaya kikye kimye. Amiwa . . . akya kyambo “buswanyi.” Oo-oo-oo-oo! Oo, kyafika mu kuuba mba! Oo-oo-oo-oo! Amiwa nayuka Aye . . . Ye Mulongo wabukuzhi bwetu. Amiwa kechi . . . Naketekela mba Amiwa kechi nakonya ne. Ami—Ami—Ami nguba . . . Amiwa kechi Naketekela mba byonji ne. Bino, oo, ami! Kyo kika? “Buswanyi.” Twatambula buswanyi bwetu. Muntu umo wafwainwa ku kushiila kintu kimo. Lesa, kintendekesho kya ino ntanda kasa kikiyangye kulengwa, wakushijiile kintu kimo. Jizhina ja nembelwe mu Buuku, kuuba mba pa kimye Mwanamukoko kyo akepaiwa ukayukanyikwa Nanji. Oo! Twayai tushe kyokyo mu kimye kya bufuku buno. Twayai tutangeko pacheche. Ami, ami! Tusakufika byepi pa veeleshi wabu 3 bufuku buno, nangwa kyapitala kyabu 3? Kechi tujipo na foolo nangwa maveeleshi faivi mu kikye ne. Pano tubena kunengezha kupwisha, nangwa byonkabyo, Amiwa nsakwikitangatu ne kwikisha.

Mwi aye motwatambwila buswanyi bwetu, byotuji . . .

¹⁷¹ Kika? Tutambula byepi bubwe buswanyi? Twibutambwile byepi? Mambo akuuba mba twenda baoloka nyi? Tutambula byepi bubwe buswanyi? Mambo a kuuba mba twatongwejilwe jimo. Amena. Yii! Balongo bami balonda lufunjisho lwa ki Arminian, Nayuka mba a kyo ke kintu kyakosa bingi. Amiwa kechi naimena pa kukozechang’ana ne, bino kiletatu buwame kwi amiwa pa kuyuka mba kiji . . . Anweba—anweba—anweba muji nakyo, uji nakyo, mulongo, kijitu bulongo. Anweba kechi mwi kimonatu ne. Anweba muji nakyo nangwa byonkabyo. Mwamona? Anweba mujitu bulongo, monai, anweba mujitu bulongo. Mwamona? Bino, oo, ke kyawama bingi pa kwikitala. Ee. Kijitu pamo nobe Mulongo Neville byo aambile na jishinda jiji na mashitolo ku mbaji yonse ibiji, keesha, “Tolai ndandalashi muye nakuzhokoloka na kumona bijimo.” Ee, mwane. Abyo akye byo Kiji. Mupashi Wazhila wa Lesa yo ndandalashi yetu ya kwitubula bintu byo tuji nabyo. Mwamona?

¹⁷² Mwamona, buswanyi. Oo, ami! “Kwikala . . .” Musangoka wa buswanyi?

*...byo twatongwejlwe jimo monka mwayila
kufukula kwanji aye wingila byonse monka mo atwala
muchima wanji:*

173 Aye byo Ajinga...kasa Akyangye kwikala Papa, kasa Akyangye kwikala Lesa, kasa Akyangye kwikala Mupulushi, kasa Akyangye kwikala Ubuka, byonse bye kasa bikyangye, Aye watongwejile jimo, wabikile Jizhina ja Mwanamukoko mu Buuku, watajile kulutwe monka mu kuyukila jimo Kwanji kabiji wamwene jizhina jobe, wijibikapo ne ajo. Kyo kika? Kabiji palutwe kacheche twamwekele pantanda, twasemekwa ku basemi bandengamambo; twa endaenda pantanda, mwayukatu. Kintu kitanshi mwayukatu, pamo nobe yewa Muyudeya walepa mona, Paulo, mwayuka, kabiji—kabiji waubilenga mitachi, kabiji, kintu kitanshi, Kintu kimo kyaambile mba, “Kuno, kuno, kuno, kuno, kuno!”

Mwaamba mba, “Oo, Abba, Taata!”

174 Apo twatatula kwiiya, mwamona. Witutongwejile jimo ku buswanyi bwetu mwi Aye, abo bwitutongwejlwe jimo. Monai, twibuswaine kintendekesho kya ino ntanda kasa kikyangye kwaalwa. Mwamona? Oo! Pakuuba mba kufukula Kwanji Aye mwine kwingile monka mo kyamutokela ku muchima Wanji Mwine, abyo kine ibyo, kwikala Lesa ne Mupulushi.

*Mwi aye ne anweba mwaketekejile, byo mwaumwine
mambo a bukine, . . .*

175 Kabiji Bukine ye Ng’anyi? Yesu ye Bukine, bo Bukine bwa Mamboawama. Ng’anyi Mamboawama? Kujitu Mamboawama amo. Galatiya 1, waamba mba, “Nangwatu Malaika wasapwila mamboawama akwabo, ekale wafingwa mafingo.” Ao o Mamboawama, Mamboawama a lupulukilo lwenu; kechi akwabo ne, kechi kujipo akwabo ne. “Kafwako—kafwako jizhina jikwabo mushi ya Jiulu mo twakonsha kupulukila ne.” Kanatu mu Jizhina jaka? [Kipwilo kyaamba mba, “Aye Nkambo Yesu Kilishitu.”—Waku.] Oo, ami!

*...monka mwi aye...anweba byo mwaitabijile,
anweba mwabikilwe kayukilo . . .*

176 Oo, “Byo mwaitabijile!” Twakonsha kupitapo byepi lubilo pakyokyo, mulongo? Twayai twikishe kya bufuku buno, mwaamba mbaka anweba? Oo, ami! Ami—Ami kechi nakonsha kutwajijila kuya—kuya palutwe ne. Twayai twikishe kya bufuku buno. Amiwa kechi nakonsha kusha kyambo kya “kubikwa kayukilo,” byo mwakonsha kutwelamo, mwamona.

177 Buswanyi monka mu kutongwelwa jimo. Amiwa naswaine kintu kimo. Ng’anyi buswanyi? Kwafwayijilwe kwikalapo umo washijile buswanyi. Kika, mwamba mba, “Yesu wimushijile buswanyi.” Nalomba lulekelo lwa mambo! Yesu kechi washijilepo buswanyi ne, Yesu kechi wimushijilepo buswanyi; Aye wayishile pano panshi na kulipilila buswanyi bwenu,

wimuletele ku buswanyi bwenu. Bino jizhina jobe ja bikilwe mu Buuku wa Bumi wa Mwanamukoko kitendekesho kya inontanda saka kikyangye kwaalwa. Lesa wimupele buswanyi bwenu. Buswanyi bwenu bwajinga butanshi. Yesu aye wayishiletu. . . Bavula, abye byo bekibika, “Lesu kwamba mba, ‘Kyawama, kuji bantu bavula bingi balubilamo. Kafwako nangwa umo ukapuluka ne, nanchi Amiwa nkatuma Yesu pantanda kabiji kape Aye uka. . . muntu umo ukamumvwina lusa, kabiji mwayuka byo Nauba pakuuba mba upuluke.” Oo, lusatu! Amiwa kechi nakonsha kwingila mu ofweshi wami byobyo ne, nangwatu byo Nekyuba bimye bimo. Mwamona? Amiwa—Amiwa kechi nakonsha kwikyubila muyewa musango ne. Pano byepi nga Lesa?

¹⁷⁸ Lesa, monka mukuyukila jimo Kwanji, wamwene ukapuluka kabiji ne ukabula kupuluka ng’anyi, Aye watumine Yesu nakapulusha bonka bo Asalulwijile jimo. Bushe Paulo kechi waambile mba, maveeshi faivi panyuma ya kikye, amba “Aye witusalulwile monka mwi Aye ntanda kasa ikyangye kwikalako”? Abo bo buswanyi bwetu. Lesa witusalulwile, ne kutuma Yesu amba eye na kupana malipilo. Kyo kika? Monka kukusumisha Mashi Anji, pakuuba mba kechi twakonsha kutelwila bubi ne. Kafwako kyo mwakonsha kuuba ne. Bino umvwe anweba. . .

¹⁷⁹ “Awa ulenga mambo a mulupata panyuma ya kutambula kala maana a Bukine, kechi kwakishala kitapisho kikwabo kya mambo ne.”

¹⁸⁰ Pano, apo ipo mukasanguka jibiji, ne kwamba mba, “Pano ngakyo, Mulongo Branham?”

¹⁸¹ Bino vulukai, mwamona, “awe watambwile *maana* a Bukine.” Abo kechi batambwile Bukine ne, abo batambwiletu maana a Kikye. Mwamona? Kechi kyakonsheka ne ku boba batambwile kyeya, baubiwe ke bakutambulako Mupashi Wazhila, batompele bulume bwa Kyambo kyawama. Baji pamo nobe boba baitabila bapelejiletu ku mupaka. Nanchi bavula banembela makalata pa kyokyo.

¹⁸² Aba baitabila bapelejiletu kumupaka ba endele kufika kokwa, Yoshua ne Kaleba ba abukile. Kika? Pano tusa kutela mba Mupashi Wazhila, aya ntanda. Apo baji kunyuma *kukwe*. Nangwa *papo*, ne kwamba mba *awe* ye Mupashi Wazhila, kabiji baji kunyuma *kukwe*, mwamona. Akwa kuji mulaye, ke *kokwa*. “Kyawama, inge bakonsha kutuma bakwiyendela ntanda, umo umo kufuma mu mikoka, pakuuba mba atweba bonse mikoka tuyuke buswanyi bwetu bo buka, ako bonse ko bakela momwa, ako ko tukekajikwa. Nanchi, Amiwa mbena kutuma bakwiyendela ntanda.”

183 Bonse bafikile kokwa, “Oo, ami! Ine. Tukatelwa mba booba kyongo-kyazhila, kufumatu ponkapa. Ine, uu-uu, atweba kechi twakonsha kuuba kyokyo ne.” Mwamona?

184 Yoshua ne Kaleba baambile mba, “Amiwa nsakumona byo kyakonsha kubiwa.” Nanchi bafikile kokwa ne kukeketa konse konse. Ami, bafikile kokwa bachiba ne kizaza kikatampe kya magelepu ne kubwela babwela. Baambile mba, “Mulongo, biji bulongo, biji bulongo! Kuno, sendaipo bimo, byawama bingi!”

185 “Oo, akyo kyawama, bino, oo, talai pa byobyu bikatampe. . . Oo, atweba kechi twakonsha kwikyuba ne. Imanai kwakubula madinominesheni onse akatampe, ne bintu byonse bikatampe? Oo, ke kintu kyatama bingi, kuuba twikyuba ne. Ine, mwane! Kechi oene mambo ne nangwa kikaletu kiyamusangoka, kechi tukooba ne. Ine, mwane.” Kabiji batatwile kwama mba, “Oo, twayai tubwele ku mipika yetu ya mu Ijipita. Kyawamatu inge twaikaletu monkamwa. Atweba kuuba twikyuba ne, aje jishinda jaoloka bingi. Atweba twayuka mba kechi twakonsha kuuba *kikye ne*, kechi twakonsha kuuba *kyokyo ne*.”

186 Mukote Kaleba waambile mba, “Zhindamaitu, anweba bonse!” Yoshua waambile mba, “Lekai kwamba, anweba bonse! Lekai ng’ambepo kintu kimo.”

187 “Oo, ala, ala, ala, kechi twakonsha kwikyuba ne! Oo, kuuba twikyuba ne. Kyawama, inge Nakonsha kusha kitupa kyami kya kukisangajimbwe, Mulongo Branham! Inge Nakonsha kuleka suki yami yakoma nobe mwanamukazhi mukote, Amiwa kechi nayuka byo Nakonsha kuuba ne. Inge Nakonsha kumvula kaputula nkami ka kacheche, Amiwa—Amiwa—Amiwa, ami, Amiwa kuuba ne kyuba ne, mwayukatu. Kabiji inge Amiwa nakonsha kuleka fwaka wami, inge Nauba kyokyo!” Obewa kamulanda wikyakumwenako kyakubilamotu. Ee. “Kechi wakonsha kwikyuba.”

188 Yoshua waambile mba, “Oo, kyawama. Aleluya! Twakonsha kwikitambula.” Kyajinga kika? Abo batajilenga pa mizhi ikatampe yajinga na masakwa. Pakuuba Yoshua ne Kaleba batajilenga pa mulaye walaile Lesa. Ikala na Kyambo, nangwatu yobe ng’anyi. Ikala na Kyambo!

189 Mambo Petelo waambile mba, “Lapilai, anweba bonse, kabiji ne kubatizhiwa mu Jizhina ja Yesu Kilishitu mululekelo lwa mambo enu, mambo mulaye walayilwe anweba,” (ng’anyi Ntanda ya mulaye?) “kabiji ne ku baana benu, ne pa booba baji kwalepa, ne bonse mo bavujila Nkambo Lesa wetu boaketa.”

190 Kechi muleke kikye kimukozhe ne, kekupezhako, nasashijila kechi kyubiwe. Mwamona? Anweba ba Pilgrim Holiness ne ba Nazarenes, mufikatu mu kutoteshiwa, mwaenda kufika ne pa kifulo kyakumona magelepu, kabiji mwaaluluka ne kubwela kunyuma. Mwamona kyamwekele nyi? Alo lolukatazho, anweba kechi mwaabukile kufika mu ntanda ne. Mweshaiipo umo

Nazarene nangwa Pilgrim Holiness, nangwa umo mwiabo baji mu mwingilo, baji na mingilo ikatampe ya byalubuko ne biyukilo kabiji ne byakukumya bibena kubiwa. Mweshaiipo umo. Anweba mwaikala mu Ijipita, ne kubwela ku mipika ya byawama. Anweba mwaimene pa Kadeshi-mbaniya. Abyo ibyo.

¹⁹¹ Monai, kabiji lekai ne mupe kifulo kyenu, mu Bahebelu kyapitala kyabu 6. “Mambo kechi kyakonsheka kuboba batambwile kala kyeya ne,” anweba mwayuka bulongo. Inge kechi mwayuka ne, kiyukai ponka pano. Mwamona? “Kabiji baubile ke bakutolako lubaji, kabiji batompelo ne ku bya bupe bya Mwiulu.”

¹⁹² Batompele, mwamona. Bantu baya ku kipwilo, kabiji bekala ne kwamba mba, “Mwayukatu, abo—abo bakonsha kwikala bulongo. Akya—akya—akya kyakonsha kwikalatu bulongo. Kyakonsha kwikalatu pamo, bino Amiwa na kubuula, mulongo, kisenda lwitabilo lwabaya pa kuuba mba ube kyokyo.”

¹⁹³ “Kutompwa kwa bya bupe biji Mwiulu, kabiji ne kusula Mashi alulayang’ano nobe ‘kintu kyabula kuzhila,’ ao o mwazhijikilwemo.”

¹⁹⁴ Nobe musapwishi umo, bainanji ba mutuma kuya kwalepa. Aye waamba mba, “Amiwa naitwa kwikala kalume wakwa Nkambo.”

¹⁹⁵ “Kijitu bulongo. Kintu kitanshi kyo Nakonsha kuuba ke komvwa pa kipabi, mutemwe, kabiji Amiwa mbena kukutuma kuya ku sukuulu umo.” Kintu kyakila mukutama kyo aubile. Abyo ibyo. Bakafumyamo mwi aye byonse bibena kubikamo Lesa. Pano, nanchi monai.

¹⁹⁶ “Mambo inge twalenga mambo a mulupata, kulenga mambo a mulupata panyuma ya kutambula maana a Bukine, maana. Monai mu Kinembelo kabiji yukai mba Baibolo waamba mba Aye ujitu pamo keesha, leelo, ne myaka yonse. Monai Kyokyo, ke maana a Bukine. Pa kwi amona, twiavundamina, kabiji ne kusula Mashi a lulayang’ano . . .”

¹⁹⁷ Muntu umo waamba mba, “Oo, ee, Naketekela mwi—mwi Lesa.” Kijitu bulongo, obewa taya tampulo itanshi.

¹⁹⁸ “Kine, Naketekela mu kutokeshiwa.” Kijitu bulongo, ujitu ponka pamupaka, ponka pano winengezha kutambula Mupashi Wazhila. Bino obewa wakenketa ne kwamba mba, “Amiwa—Amiwa—Amiwa kechi nayuka kyokyo ne. Inge Nakonsha kuuba byobyoyo . . . Ine. Amiwa kechi nayuka ne. Mwayuka byo bebatela aba bantu nyi? Uu-uu, Amiwa kechi nayuka ne kana Nakonsha kuuba byobyoyo nangwa ine. Ine, Naketekela mba Amiwa sakuyatu kulutwe na kukwatakana . . .? . . .” Mwamona? Mwamona?

¹⁹⁹ Kabiji mwayuka kimweka nyi? Aye waambile mba, “Kechi kyakonsheka abo kutwela ne.” Balenga mambo a kukiluka pa

juba jabo ja lusa. Aye Baibolo byo byo aamba. Nayuka mba akyo kyakonsa, bino Baibolo waamba mba, “Batompa bya bupe bya Mwiulu, kabiji ne kusula Mashi alulayang’ano ao . . .”

²⁰⁰ Baamba mba, “Naketekela mu kutokeshiwa, kwa bwawama, bwatoka, bumi bwazhila.”

²⁰¹ Kine, bino anweba, byo mwamwene lubatizhilo lwa Mupashi Wazhila, ne lubatizhilo kabiji ne byonse bye bintu bikwabo biji mu Baibolo, kabiji mwauba kika? Anweba mwasula Mashi a lulayang’ano ao o mwazhijikilwemo, nobe “abula kuzhila.” Kika mu ntanda ki muletele popa, muntu? Kika . . .? . . . Kika kyakulama kubula kwikala mwine-wakila ndengamambo? Kika kyafumishe bubi mu bumi bobbe, ne kupepa ne kutoma, ne banabakazhi mu bumi bobbe, abyo byafwainwa kubula kwikalako ne? Kika kyaubile kyokyo? Aa Mashi a lulayang’ano! Pano wafwenya pepi bingi kyakuuba mba watompa ne pa magelepu a kuyoya Ntanda ikwabo, kabiji ne kumpwa buvu bwa Mamboawama, ne moyo wa dinominesheni wenu! Lesa ubai lusa! Ee, mwane. “Kusula Mashi a lulayang’ano nobe ‘kyabula kuzhila,’ ne kuuba byapusanako ku mingilo ya bupe. Kechi kyakonsheka aye kutwela mu Ntanda ne.”

²⁰² Kika kyamwekele? Amiwa ne mwipuzha. Bino, Amiwa ne muntu upashang’anya, kabiji muntu yense wayuka Baibolo upashang’anya. Bushe kwajingapo umo mo boba bantu wakatwelele mu yoya ntanda? Kafwako nangwa umo ne. Wikyubile ng’anyi, wayile momwa ng’anyi? Aba bayile batanshi, babwelele ne kwamba mba, “Twakonsha kwiyitambula, twakonsha kwikala na Mupashi Wazhila mambo Lesa ye wikyambile! Petelo waambile pa Juba ja Pentekositi, inge Nakonsha ‘kulapila ne kubatizhiwa mu Jizhina ja Yesu Kilishitu,’ Nafwainwa kutambula Mupashi Wazhila, mulaye ye wami. Amiwa nenengezha kwi kyuba. Wami, mulaye wami.” Mwikyumvwa nyi? “Pano mulaye ye wami. Na mutambula, ke wami. Kine byo kiji.” Bajingatu bonkabo.

²⁰³ “Oo,” mwaamba mba, “bino, Mulongo Branham, mu lusanguko!” Kechi bakekalako ne. “Oo, kechi bakekalako ne?” Ine, mwane. Yesu wikyambile.

²⁰⁴ Abo baambile mba, “Kabiji Obewa ubena kwiesakanya Obewa mwine mukatampe pamo nobe Mosesa, kabiji Obewa waambile mba byo Uji, Obewa ‘wamwene Abulahama.’” Kabiji aye waambile mba, “Kabiji—kabiji—kabiji—kabiji Abulahama wafwa! Kika, Obewa kechi—Obewa kechi wakila myaka fifite ne, kabiji Obewa waamba mba Namumwene Abulahama?”

²⁰⁵ Aye waambile mba, “Kasa akyangye kwikalako Abulahama, AMIWA NJIPO.” Oo, ami! Aye “AMIWA NJIPO,” utanwako-kimye kyonse, Lesa Wapeenape. Kechi keesha ne, kechi jikeya keesha ne, “AMIWA NJIPO.” Mwamona? Lesa Utanwako-kimye

kyonse, Elohimu, “AMIWA NJIPO.” Pano batolele. . .Basakile kumwipaya Aye ponkapa.

206 Aye waambile mba, “Kyawama, bashakulu betu banjile maana mungyetu pa myaka foote. Lesa wanokeshe shinkwa kufuma Mwiulu ne kwi bajisha. Bailenga ku kipwilo ne kwikala bamembala bawama pa myaka foote. Bamaama Bakote bafwijile monka mu kino kipwilo,” kabiji ne bintu byonse byonkabya. “Bashakulu bami bajilenga maana mungyetu pa myaka foote.”

207 Ne Yesu waambile mba, “Kabiji bonse bafwa.” *Bafwa* kyalumbulula mba “lwabano lwa Peenape.” “Bonse bafwa. Pakuuba Amiwa ne mwambila namba, Amiwa ne Shinkwa wa Bumi wafuma kwi Lesa kufuma Mwiulu. Muntu uja yuwe Shinkwa wa Mupashi, aye uji na Bumi Bwapeenape kabiji kechi wakonsha kufwa ne. Kabiji Amiwa kamusangula mu juba jikapelako.” Oo, mulongo, bushe Aye kechi wawama nenyi?

Bushe Aye kechi wawama nenyi, wakukumya,
wakukumya?

Bushe Yesu Nkambo yetu kechi wawama
nenyi?

Meso amona, matwi aumvwa, bya nembwa mu
Kyambo kya Lesa;

Bushe Yesu Nkambo yetu kechi wawama
nenyi?

208 Abyo ibyo nyi? Twamona Mupashi Wanji upima mipashi kasa abena kupita mukachi ketu. Twamumona Aye kasa abena kuuba bya bulume ne biyukilo ne byakukumya. Atweba Twikyumvwa kyanembwa mu Kyambo papo, anweba Mwikimona kyashiniikishiwa ponkapa. Oo, ami!

Meso amona, matwi aumvwa, bya nembwa mu
Kyambo kya Lesa;

Bushe Yesu Nkambo yami kechi wawama
nenyi?

209 Mu mamineti abiji akwabo, nangwa asatu, kusakwikala lubatizhilo lwa mu meema kuno. Kabiji pano aba babena kuya na kubatizhiwa, lekai banabakazhi baye *kukwe*, ne banabalume ku *lulwe* lubaji. Kabiji pano banabalume baji ku lubaji lwa kipiko kyami, *akwe* kululwe lubaji. Kabiji banabakazhi baji *kukwe*. Musakwikala banyenga momwa na byakumvwala byanengezhiwa. Kabiji uji yense mwanamulume nangwa mwanamukazhi muno lukeelo luno, awo wanshiniinwa mba waketekela mu Kyambo kya Lesa, kabiji waketekela mba Lesa ulama mulaye Wanji, amba inge muntu wakonsha kulapila bulongo ku ubi bwanji bonse. . .Bino, Mashi akyangye kubapo kintu nangwa kimo ne. Ine, ke lwitabilo lobetu mwi Lesa. Kabiji Lesa ubena kukwita, nobe, “Fyu, fyu, fyu!” ubena kukwita, byo kibena kubiwa ponkapano, “Fyu, fyu!”

“Amiwa kyangye kubatizhiwa ne.”

“Fyu, fyu!”

“Kyawama, kyawama, inge Nakonsha kutatula kabiji na ubako kyapusanako.”

“Fyu!” Amba, akyo kyo kintu, watatula, kabiji—kabiji waubako kyapusanako panyuma ya kutatula. Mwamona? Obewa wafwainwa kwaluluka, ne kutatula, mwamona.

Anweba mwamba mba, “Kyawama, Amiwa—Amiwa—Amiwa kyangye kwikimonapo muyewa musango.”

²¹⁰ Kyawama, mulongo mutemwe, Nasaka anweba nkumweshapo Kinembelo kimo apo muntu uji yense. . . Amiwa ne kipana kikyepa myaka sate-wanu ya mwingilo kuzhokoloka ntanda, ku mabishopu ne bikwabotu, apo muntu umo, muntu umo ao wabatizhiwe mujishinda jikwabo kanatu mu Jizhina ja Yesu Kilishitu. Kabiji yense wabujile kubatizhiwa mwi Yesu mu Jizhina, wayishile na kubatizhiwa jibiji mu Jizhina.

²¹¹ Lesa wajingatu na Jizhina jimo, kabiji Jizhina Janji ke Yesu. Awa wajinga Mwaana Wanji, Wasendele Jizhina ja Mwaana Wanji. Lesa! Bino, Yesu, mubiji wajinga muntu. Twayuka kyokyo. Awa wajinga Mwaana wakwa Lesa ye anyeng’amijile. Bino kechi twaketekela mu musango wa bu umo ne, bantu baamba mba Lesa ujitu pamo nobe munwe obe. Twaketekela mba kuji kusatu kwimwes-. . . kwimweshwa kwa Lesa. Kwimweshwa kusatu kwa Lesa, Lesa ko emwesheshemo. Nangwa byonkabyo kujitu Lesa umo. Mwamona? Abyo ibyo. Atweba kechi twaketekela. . . Twaketekela mu—mu. . . Lekai ne kyube nobe bibye, twaketekela mba Lesa wayikele mu maofweshi asatu. Aye wajinga na ofweshi pantanda pa kimye kimo.

²¹² Pano, anweba banabakazhi muye ku *lulwe* lubaji, kabiji anweba banabalume muye ku *lulwe* lubaji, aba babena kwiningezha. Kabiji babena kwiningezha ku mwingilo wa lubatizhilo pankapano.

²¹³ Kabiji, bino, Lesa wajinga na maofweshi asatu. Umo wawo watelelwe mba Butaata, nangwa nkulo ya Butaata; mukwabo watelelwe mba Bubwana; kabiji mukwabo watelelwe mba Mupashi Wazhila. Pano, leelo, ng’anyi—ng’anyi nkulo Taata yo abena kwingijilamo mu buleelo? [Kipwilo kyaamba mba, “Mupashi Wazhila.”—Waku.] Mupashi Wazhila. Wajinga ng’anyi Aye mu moba apichile kunyuma? [“Yesu.”] Yesu. Wajinga ng’anyi Aye mu oa moba akya kimye kasa kikyanye kufika? [“Taata.”] Bino kyajingatu Lesa umo! Abyo ibyo nyi? Aye ye Taata, Mwaana, ne Mupashi Wazhila, aa asatu, aa ke maofweshi asatu a Lesa umo. Lesa Umotu!

²¹⁴ Pano bino, *Taata* kechi jizhina ne, abyo ibyo nyi? Nasaka kwimwipuzhako. Pano Nakeba kwimupa Mateyo 28:19, apo Yesu po aambile mba, “Onkao mambo yainga, na kufunjisha mikoka

yonse, ne kwibabatizha mu Jizhina,” (J-i-z-h-i-n-a) “Jizhina ja Taata. . .”

²¹⁵ Pano Nasaka kumona byo mwayuka Binembelo byenu. Mbulai ami inge Nafuma mu ndonda. Kabiji Aye waambile kwi abo mba, “Yainga panopantanda ponse, na kusapwila Mamboawama ku kilengwa kyonse. Aye waitabila kabiji ne kubatizhiwa ukapuluka. Aye wabula kwitabila ukazhatwa nawo. Abye biyukilo bikebalondelanga baitabila. Mu Jizhina Jami bakapangilamo bademona,” Akyo kyonse kya bukine nyi? “kwaamba na jimi ipya, mukatola miloolo.” Pano Mbena kwi mwambwila, Mateyo. . .

²¹⁶ Pano telekai. Naipuzha yense ulonda bintu byapita kala. Pano abye biji pa matepu, abye bibena kuya ku ntanda yonse. Amiwa naipuzha yense ulonda bintu byapita kala andetele kibaaba kya Kinembelo, kibaaba kiji kya. . . nangwa kechi Kinembelo ne, kibaaba kiji kyonse kya Kinembelo nangwa jishimikila jiji jonse, veeleshi uji yense wajishimikila wamweshwa mba Polotesitati umo, ao uji yense wabatizhiwe mu jizhina ja “Taata, Mwaana, Mupashi Wazhila” poso kipwilo kya Katolika byo kikibikilemo pa Kije kya Nikeya. Pano abye biji pa matepu, bibena kuya pa ntanda yonse, milaka sate-sebeni mo byatutulwa. Amiwa kalipila kwenda kwenu kwabuka kalunga kakatampe ka meema. Abyo ibyo. “Taata, Mwaana, ne Mupashi Wazhila” ke kyabubela, ke lufunjisho lwabubela lwa ba Katolika, kabiji kechi ke lubatizhilo lwa Bwinakilishitu ne. Kyawama! Luther wikifumishe mu kipwilo kya Katolika, pamo na katekizimu, Wesley wikitolele ne kwiya nakyo. Bino ajino jo juba ja kusololwa kwa baana ba Lesa, kimye byafyamika byafyamikile kufuma ku kintendekesho kya inontanda po byafwainwa kuyukanyikwa. Akino kyo kimye. Kine.

²¹⁷ Vulukai, kechi kwajingapo muntu mu Baibolo ao wabatizhilwe mu jizhina ja “Taata, Mwaana, Mupashi Wazhila ne.” Pa myaka fiili aduleendi panyuma yakufwa mutumwa wapeleleko, kechi kwajingapo nangwa umo wabatizhiwe mu jizhina ja “Taata, Mwaana, Mupashi Wazhila ne.” Bajinga. . . Amiwa natanga onse abiji *Kunyuma Yabashakulu-Bakunikeya, Akya Kije kya Nikeya*, kabiji kufuma popa bekyalwile bukabungwe ko batelele mba “kipwilo kya ntanda yonse kya Benakilishitu” ne kulengamo kabungwe mwi akyo kabiji ne kukambizha bantu bonse kutwela mwi akyo, akyo kyajinga kipwilo kya Katolika. Kyambo kyonka kya *katolika* kyalumbulula mba “ntanda yonse,” kipwilo kya ntanda yonse kya Benakilishitu, ntanda-yonse, kipwilo kimo kukumbana pantanda. Kabiji abwe Bwinakilishitu, bakajikizha bantu kutwelamo. Monkamwa baalwile, batolele Venasi ne kubikapo Maliya. Abo basendele Paulo. . . nagwa mba Yupita, ne kubikapo Paulo. Kikijitu butushi! Ibyo. Kipwilo kya Katolika kyafumine monka, kabiji pa kupita myaka faivi aduleendi. . .

218 Baji na kisela kyubiwa mu Louisville kino kimye, kya *Ben Hur*. Bajinga na *Mizhilo Jikumi* kechi papita kimye kyabaya ne. Amiwa nalanguluka mba babikilemo umu, inge bakonsha, kya mu myaka fiftiini aduleendi ya mankulo a mfishi. Nalanguluka mba babikilepo kyokya. Myaka fiftiini aduleendi ya kumanyikwa ku bangetila, kimye kyo bakajikizhenga muntu yense kabiji ne kwi bepaya, kwibatapa, kwibakashila pa mashingo. Babika ng'ombe ku kumo kabiji ng'ombe kukwabo kuboko, kabiji ne kwibakambizha mba bafyope kolona ingene bantape umu waya jije nangwa joja. Amiwa nabikile kuboko kwami, akwa ku Switzerland, kunyuma ya mashiki po baimene ne kwibachiba majimi abo kabiji ne kwibatela mba balozhi ne bikwabotu byashala. Abyo kine ibyo. Ibyo!

219 Kabiji awa mupashi umu po akiji ne buji leelo. Ke mizhilotu ibena kwikikanya. Pembelelai kikatambule bwaana bwabene. Aye Baibolo byo aamba. Pembelelaitu kikamweshe misango yakyo, kyaikala na jishuko ja kyokyo. Anweba mwakonsha kwikivotela katatakatu, mambo byo Nayuka. Mwamona? Kikobiwa, kikeya. Kechi kujipo jishinda ja kwikikayinyamo ne. Kyafwainwa kwiya. Abyo ibyo. Kyafwainwa kwiya, kibena kwiya. Nanchi umvwe kyaubiwa, mukamonengatu. Bino, mulongo, mubena kukeba kuyuka kikye kintu kimo, Amiwa nayuka Ye Naketekelamo. Aleluya! Kuya palutwe. Mwamona. Byokiji.

220 Kwajinga kimye akyo—akyo munembeshi, kyo Nabuujile munembeshi wa Lam-. . .Lamsa—Lamsa Baibolo, byo atajile ne kumona kyokya kiyukilo kyakala kya Lesa, kine byokiji kine, bizingu bisatu mukachi kakyo, Naambile mba, “Byobika byo?”

Aye waambile mba, “Awa ke Lesa mu kwimweshwa pasatu.”

Naambile mba, “Byoka biji Taata, Mwaana, ne Mupashi Wazhila?”

Aye watajile pe amiwa. Waambile mba, “Bushe mwaketekela kyokyo nyi?”

Kabiji Naambile mba, “Ee, mwane.”

221 Aye waambile mba, “Namwene akwa kuyuka mipashi bufuku bukwabo, Amiwa nalangulukile mba obewa wi ngauzhi wa Nkambo.” Waambile mba, “Lesu apeshe muchima obe.” Wankumbachile kuboko kwanji, ne kwaamba mba, “Pano Nayuka mba byo kiji.” Aye waambile mba, “Abo bantu bena America kechi bayuka ne.” Waambile mba, “Abo kechi bayukapo nangwa kimotu ne.” Waambile mba, “Babena kweseka kutola Buuku wa Kumusela ne Kumwalula ke Buuku wa Kumuzhika. Abo kechi bayuka ne Baibolo wabo ne.” Aye waambile mba, “Kechi kujipo Jizhina jikwabo japewa mushi ya Mwiulu ne, kafwako Jizhina jikwabo ne, mambo muntu yense wabatizhilwe mu Jizhina ja Yesu Kilishitu. Kechi kujipo kintu kyakwamba mba kuji bantu basatu mwi Lesu umu ne.”

Kabiji awa ye Mulongo Lamsa, Dokotala Lamsa, watutulula Lamsa Baibolo, ao ke mulunda mutemwe wa kwa Eisenhower ne bonse bamunema ba pantanda, kabiji ne bintu bikwabo, wankumbachile maboko anji, ne kwamba mba, “Juba jimo bakakuloza obewa mambo akyokyo. Bino,” waambile mba, “vulukai, bonse bo bantu bafwijile pa kintu.”

²²² Nasaka kwikala nobe kimye Petelo wakala kyo abikilwe mukaleya. Kwajinga songwalume mukulumpe wa kamubiji kacheche mukachi kabiji wajinga na lubazhibazhi. Kabiji aye waambile mba, “Oo, lukatazho lwepi?”

Waambile mba, “Obewa wayuka mba bakakwipaya nyi?”

Petelo waambile mba, “Ee.”

Aye waambile mba, “Kyawama, ubena kukeba kufwa leelo.”

Aye waambile mba, “Ee.”

Aye waambile mba, “Kyawama, abo—abo . . . obewa kechi uji na moyo ne?”

Aye waambile mba, “Ine.”

Aye waambile mba, “Obewa wafwainwa kwikala umo wa bobatela mba Benakilishitu.”

Aye waambile mba, “Ee.”

Waambile mba, “Kika kyamwekele?”

²²³ Kabiji aye wamubujile mba, waikela panshi ne kumubuula jishimikila. Kabiji byo jayilenga kulutwe, wafikile ponkapo, ne kwamba mba, “Kabiji Nakufwainwa kwikala wakasuluka lukeelo luno. Amiwa nakufwainwa kuya na kwitungako ku madinominesheni abo kabiji ne kutwajijilatu, mwamona. Amiwa na kufwainwa kwikala wakasuluka. Bino Natatwile kulupuka pangye ya muzhi, kabiji Namwene Umo ubena kwiya, waendelenga na kutwela. Amiwa nayukile mba Aye Yeng’anyi. Naambile mba, ‘Nkambo, kwepi Anweba ko mubena kuya?’ Aye waambile mba, ‘Amiwa mbena kubwela na kupopwa jibiji.’” Waambile mba, “Amiwa nabwela konka.”

²²⁴ Ponkapotu baambile mba, “Jizhina ja bang’anyi ja Shimona Petelo?”

Waambile mba, “Amiwa Pano!”

Waambile mba, “Atweba twinengezhezha obewa.”

Waambile mba, “Amiwa na kukupembelelanga.” Walupukilemo.

²²⁵ Awa songwalume wa mukwachile pa kipuzhi, kabiji waambile mba, “Pembelaikotu mineti umo, Shimona; Amiwa namutambula awa Lesa ne ami! Kabiji pano Amiwa kechi nji na moyo ne; lekai bwami bwikale bwalondelapo.” Abyo ibyo. Aleluya!


Ulama...Abena kusuuma mashi, ee, abena
 kusuuma mashi,
 Ao Mamboawama a Mupashi Wazhila abena
 kusuuma mashi,
 Aa mashi a banababwanga bafwijile pa
 Bukine,
 Ao Mamboawama a Mupashi Wazhila
 atwajijila na kusuuma mashi.
 Mutanshi wafwijile mutanchi wa yuwe
 Mupashi Wazhila,
 Wajinga Yoano Mubatishi, bino wafwile nobe
 muntu;
 Pano palondejile Nkambo Yesu, Aye
 bamupopele,
 Aye wasapwijile mba Mupashi ukapulusha
 bantu kufuma ku bubi.
 Kuji Petelo ne Paulo, kabiji ne Yoano wa
 bulesa,
 Bapaine bumi bwabo pakuuba mba ao
 Mamboawama akonshe kusama;
 Bamvwangakenye mashi abo, nobe bangauzhi
 bakala,
 Pakuuba mba Kyambo kyakine kyakwa Lesa
 kikonsheke kubulwang'ana.
 Amwa muji myeo iji mushi ya kitapisho, na
 kujila, "Pakapita bimye binga?"
 Pakuuba mba Nkambo akamanyike boba
 bauba byatama; (Telekai!)
 Bino kukekala bavula bakapana bumi bwa
 mashi abo
 Namambo aao Mamboawama a Mupashi
 Wazhila kabiji ne muyulo wao wachiluluka.
 Abena kusuuma na mashi, ee, abena kusuuma
 na mashi,
 Ao Mamboawama a Mupashi Wazhila abena
 kusuuma...mashi,
 Mashi a banababwanga bafwijile pa Bukine,
 Ao Mamboawama a Mupashi Wazhila abena
 kusuuma na mashi.

226 Ke Kinembelo kasa tukyangye kuya ne:

...*kabiji* abo *baambile kwi Petelo ne...ne bashala*
bakwabo, Balongo ne batemwe, tube byepi pakuuba
 mba tupuluke?

...*Petelo waambile kwi abo mba, Lapilai, anweba*
bonse kabiji ne kubatizhiwa mu Jizhina ja Yesu
Kilishitu mululekelo lwa mambo enu, kabiji anweba
mukatambula wabupetu Mupashi Wazhila.

*Mambo mulaye walailwa anweba, ne ku baana benu,
kabiji ne baji kwalepa, ne bonse mo bavujila Nkambo
Lesu wetu bo aketa.*

²²⁷ Aye Nkambo apeshe pano. Kimye kyo tubena kulupuka,
mwakonsha kumona lubatizhilo byo tubena . . . ? . . . 

KWALULWABUBANA ³ KDE60-0522M
(Adoption ³)

LUFUNJISHO LWALONDAKA LWA KWALULWABUBAANA

Ino Mbila na Mulongo William Marrion Branham, yalupwilwe patanshi mu Kizungu pa Mulungu lukeelo, Ndoolo 22, 1960, ku Branham Tabernacle mu Jeffersonville, Indiana, U.S.A., byafumishiwa pa tepu ukwata ne kufyatula kabiji bya nembwa mu Kizungu kwa kubulwa kupimpulwa. Ino ntuntulwilo muki Kaonde ya nembelwe ne kusampanya na ba Voice Of God Recordings.

KAONDE

©2022 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Kayukilo ka kuvuzha

Luusa lonse luji kubene. Awe buuku mwakonsha ku mupulita ku kya kupulitako kya pa nzubo pakuuba mba anweba bene mwakonsha kumwingijisha nangwa kupaanwa, kyatuutu, nobe jishinda ja kunsampwilamo Mambo awama a Yesu Kilishitu. Awe buuku kechi wakupotesha ne, kulengamo avula, kutumwa palubesha, kufiwa mu makopyuta, kututululwa mu milaka ikwabo ne, nangwa kwingijisha mukumwenamo mali kwakubula kuswisha kwanembwa kufuma kuba Voice Of God Recordings®.

Pakukeba kuyukilapo bikwabo nangwatu mabuuku akwabo, mwane tumai pa:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org